

梅

里

志

梅里志卷第十五

里人楊謙纂 李富孫補輯 余林續補

李保宸參校

著述一

補明先博士公以詩文名海內實開樵李宗派後來相繼

王國初為盛經史諸子洎詩古文詞各有著述傳於世

今悉為臚列之而闡閣緇流所作亦附焉

王鏞合刻詩彙案二王合刻朱太史彝尊曾於聞川蔣布衣之翹齋中見之今已莫考

李應徵澄遠堂彙補案先博士公所著有青蓮館初彙偶寄軒棄藿園集寄茗漫草勸易寓言河

梁編兩都社草兩日游紀汗漫游草諸集總名澄遠堂彙彙後徵士公遜刻曰藿園詩存僅十之六七而已

屠隆序曰不必求奇而奇思驚人不必譚理而理趣雋永
朱炎曰博士子尚寶丞士標有蒼雪齋集孫孝子寅有視
彼亭集秋錦山人合刻之曰澄遠堂三世詩存南邨蔣君
題曰范氏雕龍已擅三世王筠家集將傳七葉

李袁純激楚齋集六卷

鄭士奇松窗老人集一冊

李袁元蘆中吟草

胡碧霞百憂集

顧玘徵十五國風疏一卷讀書臺吟草一冊

王翊二槐詩存詞苑春秋紅情言細草堂集統扇記櫺巾怨
槐堂詞

王庭二槐詩存序嗟乎介人之歿於今二十有年矣其生以

詩名世沒久而不爲其詩傳是予之責也因介人先時過
盜攜有春秋二槐堂集盡溺於水朱子近修於其家質傳
橐不可得偶朱子錫鬯有選鈔一帙初嫌過少欲謀梓尙
遲之遲之旣久予且老恐不能復待迺近修昨又歿矣暇
日嘗與徐子庾清周子青士語及再三歎惋遂卽取所有
鈔本相與閱定梓之聊使其有傳不致湮沒焉介人少同
予學詩後數年有庾清再後數年有青士又後數年有錫
鬯皆同里巷相與晨夕而近修自移家來中與介人倡和
亦十餘年於是介人先後所作詩諸子習知之嘗與予共
評論之矣謂介人詩不齊有沈雄悲颯似杜者其夙所宗

尙也有和厚似王有幽澹似韋有濃纖詭麗似長吉義山
二李意興所託不可一類求晚年務趨奇險致人大恠要
非老於文學不能爲之介人所作正變各殊不離大雅其
詩之名世合之衆論故不虛也今存詩約二百首未當其
全十一篇雖過少然卽此亦足以傳豈謂介人尙多遺憾
哉介人作詞多等於詩今亦搜得其一二將續爲之梓若
介人之爲人不盡於詩詞予旣詳之於傳故不復贅云
陳子龍槐堂詞序宋人不知詩而強作詩其爲詩也言理
而不言情故宋之世無詩焉然宋人亦不免於有情也故
凡其懽愉愁怨之致動於中而不能抑者類發於詩餘於

其所造獨工非後世可及篇什既多觸景皆會天機所啟
若出自然雖高譚大雅而亦覺其不可廢本朝以詞名者
如劉伯溫楊用修王元美各有短長大都不能及宋人天
中王子介人示余所著詞不下千餘首自前世李晏周奎
之徒未有多於茲者也其小令長調皆擅長莫不有俊
逸之韻深刻之思流暢之調濃麗之態進而與昇元父子
汴京諸公聯鑣競逐卽何得有下驥耶王子真詞人也已
而王子示余以詩則又淡容莊雅規模古人遠非宋代可
望而後知王子深遠矣王子非詞人也

王庭序五十年前予兄介人始習詞其時海內惟棲水徐

野君卓珂月武塘王孝峙多有作在吾里倡和止予一人而今倚聲之學徧天下吾里之著名者亦十餘家踵事而增華後來之勢日上噫盛矣憶介人同予作詞初數年間各止百餘首繼予有四方游介人因索居專力於此陳臥予序之之時已千首矣已而介人又盡搜長短諸調之全計字多少殺次爲之成集三大本集必備諸調調復備諸體春秋二槐堂詞遂及三千良古今詞家所未有迨遭盜盡沈之江流身亡之後散落無可尋覓予覓援聞鹿城何了太初有選錄求得兩卷亦猶其詩之所存十可一二也詩先行十年今始刻所存詞予年老予尙及爲之至

丁品題將以俟世之閱者非所知矣

繆師伋學圃吟

李自明謫仙居集

李明齋歸邨草樂志堂集

王庭序吾讀山顏歸村草而知山顏知易之道者也易之有旅也人所不能無也旅之象爲火山火變而水則旅之蹇矣山變而澤則旅之睽矣故夫人終其身役役於旅而忘其歸者未聞道者也山顏老於旅矣旅於游旅於宦而皆以詩寫其旅之情紀其旅之事而旅中所遇景物所與友朋所歷歲月一一於詩述之雖然山顏老於旅非欲以旅老者也旅而歸旅而復旅誠有甚不得已焉者逮幡然

決計歸臥花村將以終其身焉而後桑田十晦老屋數間
始爲山顏行吟坐嘯地矣十年以來所作詩所由以歸村
名也嗟乎人生鹿鹿輪鞅間其於家鄉之情事景物邈不
相涉友朋不復同游歲月亦非我有撫心自問能不慨然
若山顏可謂知道者矣山顏老於旅而不欲以旅老得所
止也歸村之樂與予同之流連是集山顏謂予可言詩予
予則與山顏言易矣

朱一是爲可堂集十卷梅里詞三卷

王庭序予與近修交今二十餘年前十年間近修家海虞
予居梅谿相去六七十里然年必數會會必浹日懽然

生初不知室遠也後十年間近修移寓梅谿於是乎竟晨
夕之樂無何予以狗祿從軍南征嶺外五六千里一別八
年求前此兩地之權復不可一得郵筒往來輒有詩文寄
遺予從搶攘公餘百讀十吟恍如曩昔乃感慨係之矣頃
予粵西齋捧暫假北歸適近修以所著述授之梓垂成爲
予言曰吾作詩文多能爲定佳惡者少矣忖度他心良莫
如子雖然吾才多願奢素不習一家言故凡所作襍出不
齊子獨以善知予稱請爲之序予因縱觀近修諸文有兩
漢者有六朝者有唐宋大家者諸詩有漢魏六朝選體者
有盛唐者有中晚者予服近修之才以無所不有爲大

以隨感而肖爲工而世人姑就性之所近習之所通舉近修之一體自矜有當謂知近修豈非陋乎雖然更有進者夫近修抱經綸之宏畧少不見用於時中歲輒自放廢與方外緇衲爲徒行將買田課子以詩文娛老託物爲喻稱心而言詩人之風達人之槩亦具見之

屠爌闇伯遺集

補 樵李詩繫作昂齋集司志作大經堂集二卷

補 屠氏家乘一卷自

序

王庭序闇伯屠子少孤隨母孺人褚依其兄襄城以居襄城予之從表兄也襄城之尊人完吾公繪事有大名於隆萬間爲浙中第一又製漆盒及畫絹與綢皆以褚名海內

稱三絕公懷挾旣殊又善相士擇壻而得閻伯之尊人儀卿先生先生懷才擅文譽甫壯而歿所遺孤惟閻伯母孺人教之年十三已成文敏捷日四五篇立竟亦間能作詩他日於褚氏席中吟有春風吹落花之句予嘉其韻秀與池塘春草倫閻伯亦自矜許意常不可一世越二年適寧假夏氏館來相從予以書義諸異同及文章家正奇離合棄取諸法反復辨難久之始折服由是而其所業一大變屢變而益進朋侶間交口譽之爭延以訓子弟於是年十七八已抗顏爲人師矣閻伯少有孝行立身專尙氣誼本諸踐履發爲英華於師道特尊諸弟子從之者日益衆遇

試案輒居首於時文社方繁三吳壇坫間屈指必先焉先

是里中李子石友兄弟

明縉明啓

與鄭子濯師

雪防

創敬盟之舉

蔣子丹崖與予實佐之自朱子近修錢子栢園

本來得十

三人而止茲又以闇伯賢請同祝子開美張子考夫續入

盟無何開美死近修行闇伯與偕逃竄於浙東再越歲迨

歸而壯志已衰猶以家難食貧將復理舊業適禾中社事

再新闇伯舊主聲夏同人共推之領袖七邑之英衆皆欣

典型之尙存也旣而有閩游越數年歸又入粵此十餘年

間縱山水之娛極文章之樂廣賢豪長者之懽闇伯未始

不自豪然而憂生感遇之懷常有所未釋旅人之災遂於

端江湓逝子二長達篤孝友之行少而文學馳聲授經之
業盛與閻伯幾次遠尤以幼令稱英文駿發爲宿學者所
畏二子常懷先澤搜集閻伯之遺篇凡詩古文已多於客
中散失久之始得其十之一二將梓之以傳迺先視予予
覽其作皆在壯年以後其詩近體如唐古體如晉其文大
篇多韓蘇小篇多陶柳予不意閻伯之技進至此二子之
刻可謂沒而能養其志者也是可慰也

朱茂曙兩京求舊錄春草堂遺稿

李麟友布衣存藁

補梅里詩輯
作醒齋吟藁

李寅魚喁草

周質投壺譜一卷采山集一卷王翊王庭王之梁卓大丙皆

有序析津日記三卷

補浙江通志作十卷

詞緯三十卷今詞緯十卷手

纂詞緯訂調三千餘卷采山堂集二十四卷

范路靈蘭館集二卷

繆永謀苻谿集四卷朱彝尊

序黃圖雜誌卷

王庭理學辨

多雜辨心性理氣之說

秋閒草四卷詩餘一卷三仕草一

卷二西草一卷漫草漫餘草一卷秋閒詞喪葬約言一卷王

言遠先生全集言遠先生文彙朱一是序大易文彙

三仕草自序憶昔學詩甫自弱齡中逾壯歲悠游二紀篇

帙頗繁己丑通籍以後明春遂從軍過嶺六載羊城憂勞

辱賤無復人理間有觸於事會發之友生歲復得數章殊

見少爲慚矣謂猶愈於已也乙未秋移昭潭丁酉冬抵巴
水西南山川荒絕彼此多奇加以蕪城廢井寓目驚心簿
書之餘仍閒感慨其間一齋賀入燕再蒙遷去蜀踰秦及
楚勞役興懷與夫嘆老傷離憫窮恤亂吟咏淒涼概有當
者因計自寅迄亥時已十年官經四更仕歷三地日月累
積共得詩數百首工拙無足論以從吾好庶幾在焉

漫草自序間之詩言志也苟無志而爲之言漫也予平生
好詩計少壯時所作漫者已恒過半況衰廢之餘尙志之
可言乎審是則應無取於詩然而嘗有作者閒情之莫遣
也非然則夙習之難忘也昔嘗有詞自況曰料與時無損

吠蟲鳴鳥是則雖詩而漫何傷乎且不有漫人寧有漫詩
元次山之爲漫叟實先之矣予請從而後也

漫餘草自序予少而好爲詩其時方攻舉子業又兼有教
授之事一吟一詠大都俟之章句之暇也壯而有四方游
平生之懷幾以作吏廢興會所及間成篇章又大都取之
簿書之間今而歸田二十年矣歲月頗長又無分心於少
壯之所營似求詩於此日正可多得然而不然則又以予
今爲旣老也夫耳目之聰明少不能加讀書心力之疲卽
舊有誦習仍不全記憶以茲枵腹畧存一二陳言於中欲
與時人爭學問之博麗摘意象之鮮新非惟世性自亦嘗

竊笑之然茲歷年仍有所作半迫於應酬半發於感觸計
每一歲中所得較前亦十之一邇之所存就中復十之一
以續從來記年諸刻似有不得已焉然猶之無文之可稱
志之可言者也予詩之爲漫久矣此又非漫之餘乎漫餘
而集成之何爲蓋予用之自娛老也雖然卽以問世亦何
傷乎

秋閒詞自序少時偕兄介人學詩亦兼爲詞介人誦多干
首每舉以傲予予戲語之曰作詞故自易耳豈如詩之難
介人曰云何曰詩義正而思深雋不使傷雅工不使趨纖
諸繩尺之嚴其束縛人實甚矣至於詞則無故易之易之

又何必多耶。介人笑曰：有之微。若言吾亦謂然。蓋當時先輩名賢大都殫力在詩求精之法，刻於申韓歷代相爲規摹，莫不謂傳之有緒。而今數年間，高才達識盡發其論之膏肓，且風氣所移，舉向之所求精者一歸之於詞。則所難固不在詩，又在詞矣。方今詞學大彰，南宋以來諸幽芳無不畢出，四方之俊聞聲相應，英華斐然。常恨介人死早，不及見此時之盛。猶幸予老尚存，不自嫌才盡，得與諸名家對揚，兼亦解棄故方，就新步積年之久，詞稍成帙。茲因理介人遺製，并以災木嘗私自省閱，將諸鄙篇方之古與今人，果不知孰似。卽予一身以後所作，視前亦未知孰優。

予舊詞百首之刻嘗與介人商介人已矣茲刻以俟後之
相知者爲予定之予於斯廼重有感也
朱彝尊王言遠全集序先生世居長水之南梅會里少與
從兄翊介人以詩倡和旣而登劉子壯榜進士出知廣州
府遷廣西左江道按察副使歷川北道布政司參政四川
按察司使江西右布政使持母喪歸服除補山西右布政
使凡山川風土廢興治亂之跡友朋離合之感皆見於詩
不傍古人不下古手不爲格律聲調所縛類發乎心性所
得而絕剽賊之患蓋卓然可傳者也先生歿後季子沆合
其平生諸集彙刻以傳於是爲之序

梅里社稿

王庭序今之制藝凡房行而外社書侈稱國表熊巖諸選以天下吳越書楚文浙文之類以省在一郡者幾社於雲間最在一邑者觀社於海昌最至乎一鄉或微焉而吾梅里之刻以成夫梅里故僻壤也夾湖而市襟帶及三數里合四隅邨落不能萬家農者賈者工者傭者與士倍將百一然而材智輩出文章馳譽者畧有數家至於束脩閉門之彥勤勤著書日見累積或聞而疑之以爲培塿之邱蹠涔之水無異材巨鱗之產嗚呼拘墟之見智者烏稱乎夫制義小道關乎人事梅里雖小於當世之業未有多讓也

朱子蜀中草二卷

王庭序朱子方菴少而以文藝壇坫海內有盛名壯歲司理東昌平反有殊績頃者改令峩峩不三年遂賦歸歸數月而病遂不起世皆以方菴抱經世才不大用爲痛惻之且方菴博學工詞有著書才天不假年以展其業問嘗作詩古文都不省錄今檢其笥中蜀草僅存此豈足盡方菴之詩古文哉然使卽此傳之後世得藉以爲一斑之窺今觀其詩具諸體清新雅飭謝習陋趨纖之譏有唐人風文止敘數篇其言澤於仁義理正而氣和情懷婉暢有宋大家之致存雖少然而於世必傳且少而傳者益令人想慕

其所未盡抑尤愈於多也予交方菴垂四十年其生平敦
孝友重氣誼向聞之久茲十年來移居予里其醇謹篤厚
予日習而加信服之竊嘗謂方菴之德至矣其賢也不盡
於才其才抑大矣不盡於詩古文若詩古文之不盡於蜀
草又其末也

徐懷西谿詩草庾清詞

王庭西谿詩序余少館於褚氏徐子庾清鄰居嘗過詣見
余作詩願學焉時庾清弱冠家貧已棄舉業詩之一道別
有取材迺得以所學專心求之踰年而能工無何庾清感
外侮忽奮思讀書荒廢之餘業圖更始其爲力也艱白此

隨予十年詩廼不復作矣庾清清才行文多雋思每見稱於同社試棘闈數四不遇遂屏居荒村有終焉之志吟詩度日習以爲常他時曾一走東粵一客維揚要其居邨於西谿之日長矣予久遊四方歸來垂二十載庾清每攜所作詩求點定正復如曩時昔人有言以此始者以此終予與庾清非始終於詩者哉庾清作詩外好爲詞計生平所積甚多簡棄者過半客冬庾清病困予在禾中早有叩門者以一緘投發之無書惟詩若詞各一帙予爲泣然知庾清已不起茲後事之屬矣先是其中表趙子雷文嘗任其詩詞刻事仍待予加之選予不敢負此意也勉爲成之因

敘其由來使讀者知庾清之人庾清爲不亡也

王庭徐庾清詞序徐子庾清少學爲詩見宋人詩餘甚好之因而學詞其詞之逸懷雋思殊勝於詩也予初見而喜之然以習舉子業不勸之多作繼而予游四方庾清與兄介人相日夕勤倡和惟介人才大而庾清情深各擅其所長相對無媿容旣而介人歿久之予乃歸田間搜介人詞刻之僅存其百之一庾清詞自刻意芟削予聞之相示止一帙今選存之數畧與介人同計庾清之歿後介人三十餘年迄今已經四載予老矣爲成其刻所謂後事之屬未

庶可釋焉

徐貞木懷古堂集

郭哀采西翠樓集

按西翠樓集周布衣

貧爲之序尙未付梓子麀徵孫維城維垣皆有著述曾孫鶴余授業之師也彙鈔成帙爲西翠二集三集云

沈進文言會粹二卷行國錄一卷藍邨彙

按朱太史撰先生墓志尙有東園詩

半巢居索退叟行吟力圖蕭閒詞袁谿文彙等著今所存者僅有分柿偶編東園詩畧一卷桐川汪氏視昔編藍邨集一

已卷而

繆泳文言會粹序文言孔子十翼之一也故章必冠以子

曰而梁武獨謂爲文王所作豈其然與世之言古易者分

十翼以復孔氏之舊於文言傳僅錄乾坤二篇不知散入

於繫辭者尙多也吾友沈山子研精易學取繫辭諸卦類

乎文言者悉附於乾坤之後又以論語戴記諸書文義相

近者增益之曰文言會粹蓋說經者不嫌於同異以之入於古易誰曰不宜

李光基澹園詩草梅里詩鈔二十卷

〔補〕繆彤梅里詩鈔序余往在京師與錫鬯武曾游及家一潛受茲昆弟皆少長於梅里而流風相尙互相唱酬聞者侈之以爲梅里詩人之盛如此抑知梅里詩人之盛不止於如此而余之所見者且不及什一也今簞谷山子澹園有詩鈔之選自先達諸公以及於能詩之家縑素之侶莫不含英咀華爲風雅鼓吹人踰百家詩至二千餘首蓋基盛矣迹其源流所自都以雅正爲宗末流好異稍趨而之

變焉然支分派別各有攸歸雖正變不同要皆規摹於古
人非偶然而作之者則其得於學者有由然也夫大江以
南風詩不見於古而春秋於吳越之間載樵李獨詳梅里
之在樵李不過一隅耳然其詩之盛如此雖與列國之風
並驅中原可矣一隅云乎哉

釋心印分柿偶編十卷

按是編計十家周貧采山堂集徐在

園詩草李人兆飛翠山房集李良年秋錦集褚于巡聽玉樓
詩草李符香草居集蔡耀山草堂集釋心印觀槿草

〔補〕釋心印序分柿山房予挂鉢囊處也近市湫隘無香林

花雨之勝而里中吟社諸君子以予能詩且不斷酒故皆
樂與予游花辰月午各攜短童抱錦篋至至則洗脯煮祁

黎炊藟散米餉客佐以邨墟之釀必盡歡旣醉則叉手琢
句借佛火照楮墨長至漏盡聽西殿發鐘魚始就寢數數
然也諸君子若合席他所與行役遠方而歸其吟橐亦往
往見示如是者數年而奇煤利翰多聚經窗藥案間矣今
年秋見牆壁舊詠感時序之推遷慮篇章之散軼因錄而
授諸梓凡九家得若干首而以予詩附焉諸君子各有專
集多至千百篇是帙之刻就予山房所有者不過荆山片
玉耳題曰分柿山房合編蓋誌不忘所自云爾

蔣薰硤川志留素堂詩集十卷文集十卷補梅谿詩選

杜臻經緯堂集閩粵巡視紀畧六卷補海防述畧一卷

朱彝尊經義攷三百卷陳廷敬毛奇齡皆有序

案此書本仿馬氏經籍攷

之例而推廣之書分四部自曰存目佚目闕目未見名著於本

書下注點間南巡時嘗以先刻易書詩禮進蒙御書

賜研博物圖額其後半部近始刻成內宣日下舊聞四十

講立學家學自叙三卷本未屬幸故闕焉

二卷馮溥陳廷敬徐乾學徐元文張鵬高士奇姜宸英皆有

序明詩綜一百卷案太史少時輯樵李先民詩後客廣東

乾坤震巽分紀歸田後成是詩綜二十四卷瀛洲道古錄

古以所纂靜志居詩案瀛洲道古錄分十五門制誥講讀儀注選任論議書籍燕

資纂修記注使命典二十餘冊尚未成書另有禾錄案是書尚未卒業兩淮鹽筴

書二十卷補石柱記卷暴書亭集八十卷潘耒序案太史舊有竹

北女類勝笑集江洲集酒集暴書亭著錄八卷補美台集六

蕃錦集諸刻皆已入集中

卷

日下舊聞自序樊尊請居無事掇拾載籍及金石遺文會
粹之分一十三門曰星土曰世紀曰形勝曰宮室曰城市
曰郊祠曰京畿曰僑治曰邊障曰戶版曰風俗曰物產曰
雜綴而以百歲考終焉合四十有二卷刑部尙書崑山徐
公見之謂其可傳延捐資俾鐫木計草創於丙寅之夏錄
成丁卯之秋開雕於冬迄戊辰九月而竣

翰苑羣書跋翰苑初入供事吏手持張閣老位圖林典故
竊思須知二編以見卷中引書五品不遜之語覽者以爲
笑端余既爲史官思別撰一書自分職以來迄於明崇禎

之季但囊書入其軀夜鈔撮積一十四冊

其陽遺遺口錄洲之古錄會通錄其存成書

本集

僕嘗思文獻可徵而詞章等類為不備在 中禁口會

秘室掌舊事自唐宋迄明撰錄洲道古錄一編弟子長洲

陸肯堂請事開雕謂刊成凡入院者必給一本庶知以古

人自期斯文不幸陸生云亡至今茲之修衍恐終無覆轍

可歎思也

詩話

鄭元慶石柱記釋自序頃借書臨觴得朱槧石柱記載山

川陵墓亡者三之一其存而不可信者亦三之一吾湖浙

西佳節何不幸而使數千百年之獻無徵至於此極耶竹
垞先生惜其殘闕爲補記二縣既完且好余廼一一箋釋
證其所可信復辨其所不可信甫脫稿先生見之賞擊命
鈔副本藏暴書亭

暴書亭著錄自序池南有亭曰暴書既暴而藏諸因著於
錄錄凡八卷分八門焉曰經曰藝曰史曰志曰子曰集曰

雜曰說

朱春草堂集周布衣篋有序

案集中惟五律一體曝書亭集作笏在堂集

李鏡周易參義二心龔集八卷汪琬補越裔有序

李繩遠獺祭錄五十卷李氏類纂五十卷

分職官姓氏事類物類四門

姓氏譜六卷正字通補正尋壑外言四卷

李良年秋錦山房集二十二卷兄繩遠序外集三卷

良年有土

禮解

國朝文緯二書皆未完稟又曹侍郎溶北海集

中有詞家辨證詞林紀事二種其詩集十卷久刊文集

十卷詞二卷外集三卷乾隆己卯桐鄉金員外論

上舍德輿損貲付梓又邀刻尋壑香草二集於後

李符花南老屋歲鈔補袍集盍簪集香草居集五卷未邊詞

二卷

朱彝尊未邊詞序二十年來詩人多寓聲爲詞吾里若右

吉庚清青士山子武曾咸先予爲之者也遠予客大同與

曹使君秋嶽相唱和其後所作日多謬爲四方所許然自

諸子外鄉黨之論或不爾也使君旣歸倦圃李子分虎所

勝過從相與論詞其後分虎游屐所向南朔萬里詞軼之
富不減予曩日殆善學北宋者頃復示余近稟益研於
南宋諸名家蓋分虎之詞愈變而極工方之武曾無異填
篋之迭和也今海內甄綜人物輒數吾鄉三李惟斯年獨
不以詞鳴比聞自懷寧轉客長洲江左固多詞人蓀友子
山其年葆韶其詞皆與南北宋方駕斯年當必見獵而喜
然則三李之詞庶其可繼花萼成集南歸之日將併叙之
按錢唐龔侍御翔麟所刻浙西六家詞吾鄉則朱大史之
江朝載酒集李徵士之秋錦詞及布衣之未遑詞也陳煥
詩維嶽
作序

肩負李符沈傳弓尺廣清裁

王啟大學心法

王遵厚露齋詩草

篋鴟塘集

吳源遠半鄉人集

摘李詩繫作城西集

輯註廿一史彈詞十卷

吳源遠集社野外堂詩草李徵士良年作序

涂九陵長簡詩集

周質序吾里之以詩稱也自王布衣秋槐及今方伯邁人
兩先生始徐庾清杜鄰若沈藍邨及余數人習和之時方
熾竟陵之說而兩先生以唐爲表率歲乙酉構李避兵來
者有徐山人士白詩特工是詩長簡從其親以來年最少
故徂侈靡之習嘗傾橐千金事彈碁六博絲竹聲伎之娛
廼一旦舍去學爲詩洵有志尚哉秋槐清逸獨造士白典

瞻淹貫其詩各自標幟長簡往來兩家獵精吸華辭藻藉
麗而詩一變時又有屠農伯范邈甫及海昌朱孝廉修
竄身遠遯流離經歲其詩沈鬱哀痛讀之目眦裂而鼻上
指也詩又一變及秋槐歿而朱竹垞繆一潛李秋錦輩各
自成體製而詩遂雜然多變矣長簡詩亦隨而變不之恒
轍然終落落無所遇合吁可嗟也已

林之枚瀧江集七卷林氏合組集八卷

補梅里詩輯松亭少
有才名所刻合組集

皆駢偶之文瀧江集古今體詩悉備二集文
藻斐然而乏精警有掉灑之樂無澹汰之能

錢枋長圃吟稟說臆停驂集李符有駢體序

浦越喬易經卦象論重卦說周禮冬官補訂正考工記與宣

稿啾發遺稿

補梅里詩輯榜圖研貫經史所刻古文曰聊宣
稿詩六卷五百有餘篇而次韻居十之七未免

束縛拘牽亦不善用其短矣

褚醇褚子癡言王翊序

陳思光行素堂集

周簣序陳升萬幼工帖括於韻語未始嫻習其同學褚霞
建以詩名而其從兄子執教授愛慕風雅日於家庭朋友
間浸淫灌漑其說恍然有得於中遂爲詩如素習者

朱願爲紫薇軒集李良年序

朱昆田三體聽韻

朱古今騷詩詞三體

倚語依韻分編凡習見者俱不錄

南史識小錄八卷北史識小錄八卷沈名

蓀朱昆田同編笛漁小橐十卷高層雲序

顧仲清說莊記韻急就篇歷代畫家姓氏韻編六卷

此書以韻編姓

名注里籍出處大畧并表其所長其釋道閨秀等
別附後題曰小長蘆顧仲清編次孫繡虎補輯 養小錄楊

雍正序扶青閣集朱彝尊序中郵詩草朱稻孫序喝月詞學

庸說義自序顧康孫古今名文自怡六卷

按康孫仲清原名中郵著述余所未

見者尚有讀左悉數錄讀字
阡陌與圖韻編吾輩情諸種

陳昂尚書題炬燵鑒

包爾庚尚書題炬序一經之習不勝題也一題之立不勝

文也何則題有實而爲綱者有虛而爲絡者有發端焉而

理在題後者有結穴焉而義在題前者有反射焉側注焉

而神在題左題右者凡題類然凡經類然也治尚書者曰

吾經之文原本政事言則帝王端整爲體不經綿勝也則

直爲宗不追琢工也命一題於此引繩切墨取亡軼而止
奚所遷變謀一文於此循涯望塵千祿已耳奚所剔搜於
獵以四子書之賸髣髴以房行橐之殘膏未嘗無文也視
之則無題矣未嘗無題也求之則無文矣陳子書崖力於
經而鏡心於文摘題而類之凡夫實者虛者發端者結穴
者反射而側注者爲之提其綱疏其絡挾其理章其義
髣髴其神壹若出堯舜禹湯文武周公於幽室而坐照之
若揭律歷刑名山川貢賦禮樂兵戎之屬於重襲而施明
而燭之名曰題炬宜哉陳子上采漢宋下取諸儒求諸近
代惟承菴疑問差相敵爾而陳子退然聊以自導非他有

耀也猥云典謨之烜氏訓詰之甸人乎或又曰陳子者慧而謙者也卽以射論亦甘蠅之設鵠也

觴鑒自跋長水盛嬾民舊有觴鑒一刻惜流傳未廣而見者或寡予爲采其說之尤近者二十四則易於觀覽賓筵之詩所謂旣立之監戒佐之史者於是乎在三十六峯學人陳昂識

周箕沈進絕妙好辭今緝

周箕沈進柯煜微刻絕妙好辭今緝啟古調寢微新聲競起才士握蘭之製佳人漱玉之篇家宴尊前無非妍手紅牙纖綽並號專家歷代以還於今爲盛則有金魚貴彥玉

塵名流象筆以翡翠爲牀寶硯以琉璃作匣殘月曉風之
句戶說屯田暗香疎影之吟家稱石帚蝦鬚晨捲霞牋映
初日俱紅鵲腦宵焚秀句與新蟾競彩由來至性多寄美
人香草之中大抵閒情半託減字偷聲之內然而斷紉零
墨易至散亡玉軸瓊籤更傷沈秘譬猶衆腋不集何以爲
裘假若明珠未貫焉能作琲顧惟先氏業有成書每念彼
南涉才華斐然具在用企我 聖朝文藻蔚爾同歸願
言合志不有遐心酒邊琴趣悉付典籤小令長謠並陳記
室則溫助教金荃麗句首冠衛尉之書史梅谿春雪諸篇
半入玉林之集萃柳思周情於此日媿南宋北宋於當年

矣

張光祖默齋襍詠朱彝尊李繩遠浦越喬杜彥超周啟沈良
詒皆有序

胡山寓廬草李符有駢體序

補梅里詩輯又有
葑汀東武詩彙

補林埜秋懷集唐詩跋胡子天岫始徙武原性慷慨發論
輒驚其座人今且賣藥茲土所攜有秋懷集唐詩豪邁激
楚頓折沈鬱若出已裁今天岫方與二三賓從晨夕倡和
予亦得廁足其間爲可樂也

鈍齋
集

徐照對山草堂印譜

照自序六書之學秦漢以來代不乏人今之私印盛於宋

元姜石帚趙松雪王竹齋諸公各擅其長有明時文何丁
蘇沈李諸君子又極盡變化之妙吾家王父白榆先生闡
貫古今集各家之長自成一家論者謂自有篆刻以來名
公碩儒殆有過之無不及也迨後先君子繼之如大令之
於右軍代相師承而不襲其跡海內爭相寶貴片石之遺
如同吉光廣寧丁觀察介祉嘗集古今印譜不下數十百
家多所去取獨於先王父兩世手筆無間言一時入室弟
子如俞君揆干徐君士遜俞君丹序鄭君子元輩各得其
一體及吾伯兄磊澗後先迭出三十年來老成凋喪斯道
之傳不絕如綫近時僞體雜出皆自附於天都茂苑之遺

觀其所製尙不脫擡盤市肆手法更何暇論其得失耶余少孤失學悼先型之欲墜悲手澤之就湮童而習之迄今三十餘年暑不筵寒不鑪苦心斯詣未有成就每有所作輒就正於先輩鉅公幸蒙賞識謂無甚紕繆可以問世竊不自揣彙成一冊共若干方非敢謂世其家學苟不至數典而忘其祖實小子之深幸也夫

吳天木澹寧堂詩藁

李岱遺安堂詩稿三卷張仁浹序

鄭公培圃田印譜

潘耒序自隸楷行而篆籀廢其僅存而爲世用者惟印章印章以漢刻爲極則寓巧於拙藏正於奇隨手生姿自然

古雅後人不能出其範圍故篆刻不厭摹古似古卽佳然
余又惡夫貌古而失其神理者支離繆悠徒仿古文奇字
以藏拙俗夫喜之識者笑之近代能手惟顧云美徐士白
最爲雅正兩君歿嘗歎鐵筆無傳茲見鄭子葭邨所刻道
勁爾雅能於古法中自出新意森嚴而不失之板生動而
不失之佻蓋得古之神而遺其貌者云美士白之風流庶
幾不墜閱其印譜一編姓名皆今人望之宛如古人也今
人立心行事未必近古而鐫刻姓名未嘗不欲其遂如古
人欲如古人莫如求鄭子有以知鄭子之不窮也抑使人
自視其姓名如古人而自愧夫立心行事不盡如古人勉

而爲君子長者則篆刻之功豈淺淺哉

王兆曾龍藏抽奇八卷

郭徵緇素錄

徐燿然蓮西詩草菰塍尺牘

史先震葦園集

戴錡魚計莊集二十六卷讀易吟

朱彝尊序休寧戴生錡僑居長水從予游其爲詞務去陳言謝朝華而啟夕秀蓋兼夫南北宋而擅場者也

張時升武林游草張費源序

金介復四書提講補讀鑑玉

合子一簣編

李維鈞梅里詩人遺集

按是書編

次李袁純王翊范路屠曠周箕徐貞木穆泳屠焯徐在史宣綸史翼經李琇李符蔡燿十四人之詩保陽詩

李宗渭瓦缶集十二卷朱彝尊查慎行皆有序

陳士鉅青蘿山房集

朱琪東谿詩草

王沆勉齋集

李宜石燕草

梅里志卷十四

梅里志卷第十六

里人楊謙纂 李富孫補輯 余林續補

李保宸參校

著述二

朱稻孫煙雨樓志六峯閣稿四卷查慎行張大受序補擬古樂府三卷紀行絕句二卷羅浮蝴蝶倡和詩二卷六峯閣續

稿十卷

徐懷仁柘南詩稿

李光映觀妙齋金石文考畧十六卷

皆取家藏碑刻引諸家論辨而條列之原委具

廣可考而知

金介復觀妙齋藏金石文考畧引七情欲居其一人所不

能無而足以爲累者也然非必爲累也視所欲何如耳觀
妙主人李子子中一切聲色貨利澹然皆無所欲獨於書
籍及名流筆墨遺跡與夫金石文字自謂平生之欲存焉
計積累所收碑刻搨本視曹氏古林金石表不減其數可
謂富矣好手裝潢時出把翫迺偕其姊夫王子典在博采
諸家之論錄之以互證其然否間附已說於其後成書一
十六卷可謂勤矣自非甚有欲於此惡能搜羅之富而考
訂之勤如是夫人各有欲欲在彼聲色貨利則志氣日以
昏欲不在彼而在此則志氣日以清此觀妙主人之所以
能觀其妙也老子云常無欲以觀其妙茲則有欲以觀其

妙不亦與道德之旨可相參也與

光映與朱彝尊同里得彝尊家金石諸刻因哀集諸家辨
論以成此編所采錄金石之書凡四十種地志文集說部
之類又六十種其用力亦云勤篤惟以品題書跡為主不
以攷證舊聞為主與趙洪諸家門徑又截然異耳

四庫全書簡

明目錄

杜元漣耄學編

王泚莪藿軒詩稿補

詩稿就雲軒倡和詩

補梅里詩輯上滿家節廉橋畔日與文士詩僧相倡和就雲軒之刻周營谷沈

蘇詩沈可權朱求侯王來素鄭全昭倪令章周魯望金遜修
蘇詩虛及上篇凡十一人詩一百十四首武原鄭亮序之

金大海琉璃集

補梅里詩輯大海游都門客有毀之者曰渠詩文非已作向曾見之琉璃廠肆中大海聞

之遂以疏
附名集

楊為裴石齋詩鈔

陳志翼安晚堂集

補梅里詩輯作
禾易堂雜著

繆綏武梅花谿路春詞

補雪堂瑣錄
多載里中
先聖軼事 警山樓集

李宗仁養恬齋詩草一卷題畫扇詩一卷

賀庭麟蘭園錄

朱振祖香谿詩草辨字一卷

王湘采荔居稿

王夢珠南廬詩藁

孔升兩粵紀游

繆忠次蕙林詩藁

李稻塍李集梅會詩選

舊有梅里詩人集一編稻塍取材焉
復增以近時數家凡分初集十二卷

二集十六卷
三集四卷

補寸碧山房集 馮渠夢園詩鈔九卷

王鴻宇蕉園詩鈔聽鶯閣詩餘朱翰宜菊墅詩鈔

陳其源北舫詩鈔

金標耕堂集

金權尚書論三禮考異

郭鶴青巖集補丙申冬夜錄

明詩選十二冊

陳湛谿堂詩稿

許燦晦堂詩鈔

補舊有敬煌擊汰楚尾諸刻

補春風錄梅里詩輯三十卷

楊漢籌一簣山房稟

馮炎雲塾詩鈔

李旦華青蓮館集補周易象義十六國系表

楊長蘭圃小稟

李原南園草

薛廷文聽雪齋詩鈔補梅里詞緒二卷

補趙懷玉梅里詞緒序梅會僅數里水清而曲土衍沃可耕居人農桑之外舍讀書無他好余嘗再游其地有十居

之思蓋國初諸老提唱風雅以一隅掌拒壇坫所播染者深也往者李君耕麓嘗輯梅會詩選而詩餘則缺焉有待薛君鹵齋踵而成之錄里中之詞曰詞緒共六十餘家得詞三百六十餘首自明萬歷迄今單篇隻調蒐采畧備用力可謂勤矣康熙間錢唐龔氏刊浙西六家詞梅里居其半是梅里於近時尤以詞著宜薛君之惓惓桑梓而不能已也且君之所謂緒者餘也尋也網羅散佚使里中詞脈一綫可尋乃知前輩流風餘蘊之有在矣

王元珠競秀閣集宮詞百首 王荃飲綠軒殘藁

吳巽聽鴻樓詩藁三卷二分明月閣詞

蔣永端焚餘草李集序

釋通門嬾齋集嬾齋後集六卷嬾齋別集十四卷牧雲語錄
池上來一卷牧雲禪師遺書

王庭嬾齋集序牧師出世以來住古南最先予咫尺里居
從游服教閱十餘年不才驚廢愧於本事少有請益師知
夙習所存每示作詩文相勸誘也逮後予自粵嶺東西鴻
魚濶好師每吳門上下金玉嗣音繼予賁捧長安量移岷
蜀往返京口尋師鶴林未期之間遂得三過一日霽雨秋
涼登高杜鵑樓次洪茗之暇繙帙歸然惟師語錄而外別
集種種具焉世有讀斯集者以師爲宗工將永明之錄覺

範之傳寒山石屋之詩軌轍相方以師爲文士亦陶王白
蘇之閒位置攸在予嘗聞世俗文章家有私議之者矣曰
吾於牧師姑未言其他就其才多著述如此卽不扶策應
舉第閉門著書當澤永畱名山也

王庭牧雲語錄序憶三十年以前世不大知有宗門事先
自密雲老人倡教金粟嚮化趨之顧其閒夙學者德爲遠
邇推服不過數人牧雲和尚其著也師印心於密老人先
住梅里之古南繼居興福棲真天童興化退隱鶴林所在
開堂入室問答話頌各有專刻茲復芟繁訂存十六卷流
通於楞嚴之經坊予接待師久見師向上單提照用不測

顧心妄作之流實愧詘焉兼以廣搜藏譯旁括儒詮理無礙事性不遺相有大成之風不亢激於時而又不無町畦於俗靜然恒以自養而致或嚴而不可犯斯人也而有斯錄也夫誰曰不宜

潘耒牧雪禪師遺書序少室一宗不立文字傳鐙列祖絕少論著惟圭峯永明覺範中峯以宏法六士具無礙辨才宗教兼通儒釋並暢發爲文辭昌明浩瀚卓哉弗可及已近代則有牧雪禪師道眼圓明機鋒峻利旣已傑出諸方而慧業深廣法辨縱橫善以世閒文章發揮第一義諦凡詩篇傳記文人學士所長皆優爲之尤遂於教乘深經大

論一一會通義學專門有不能逮其爲人也孤高狷介不
徇俗情未老而謝院事雲行鶴翥山水文墨自娛著述甚
富其七會語錄及嬾齋別集行世已久茲遺集若干卷門
人慈開得公復彙而刻之其曰四悉書者首釋華嚴楞嚴
二經暢通大旨一掃註家窠臼舉一例餘爲讀經法其諸
經箋要專取辨魔蓋有爲而發也次以論說次以書牘皆
揭示法門綱宗辨乎其所以不辨洋洋纚纚一氣萬言衛道
之文也四悉檀中對治爲多實則皆第一義諦矣其曰後
錄者再住鶴林後座下所結集其曰澹翁遺稿者晚年詩
文皆在焉詩不刻畫而成文不斧削而就天趣灑然可以

想見其高致惟昔天童之門嗣法十二順行逆行作用不一若夫品格之高門風之峻首推古南晚年不復匡徒領衆惟閉戶著書抉剔佛祖心髓抽揚宗乘關鍵可謂極深研幾若遇事關法門大體雖當世達尊與同門兄弟不惜挺身譁論昌言擊排蓋任道之重尊師之切不得不爾而學海淵深詞鋒雄肆實足以濟之師著述旣多不自珍惜有老侍者爾輝每一篇出謹錄而藏之四悉書則書記與麼所編輯也師老於西資故遺稿獨在慈開所師化二十餘年慈開亦老矣念是編不可以無傳迺與老友石鄰及師之法孫雲屋共相校定鬻產刻之蓋古南末後光明全

在於是有波旬之徒忌而毀之亦愈重其聲光而已

補樗叟德行精深學問淵妙世際鼎革儒門淡薄之士咸
歸法會一時稱盛樗叟長詩古文其論文曰譬觀平湖微
風未來澄澈若鏡卒與風遇其初也若穀其漸也若鱗風
或高其變也如千鷺躍風又甚則洶涌澎湃如萬馬騰極
其至也則層波疊浪噴激如山震心駭目莫知其所詣者
矣風耶水耶何心於其間蓋天地閒一種大化機也若持
杖畫波俛其跳躍豈自然變化者耶數言深得行文之妙

春風
錄

釋行筏觀瀾艸

釋休菴池上來

周箕政休菴嗣法古南闡揚之餘游情翰墨其池上來一編踵牧公之原倡也謦欬親承具體斯在古南位下諸嗣法多余所交識而在師爲同甲子支許之好尤密迺今已矣覽茲編而彌感曰澄觀者其弟子也請以刊布允稱述志之舉澄觀嘗從余弟林於學早能詩今也精修益力有識靡不贊歎植本濬源庶其無負也與

釋定暘聞極禪師語錄圓應集吳瑾序九華記喻成龍吳國柱序

王庭聞極禪師語錄序聞極禪師初年以賢首教馳聲江

楚閒聞牧雲老人之風謁之於古南得法而去垂二十載矣客春師因掃壇來忍可師住古南欲讓席居之師未之許忍師重商之予馳使力請之得以冬至日至蓋古南雖小先老人始化於此仍終隱於此於七會中爲緣時深念之惓惓特切常以屬予此地後當擇人承之弗替茲請師而不終拒蓋其不忘先老人甚盛心也師住廬之萬松兼住斲之天王皆古刹多聚衆千人歷經兵荒坐可得飽爲叢林之雄捨之而就古南此非常情所及明矣古南地僻而窮拮据之難頗煩師懷惟學侶雲臻宏先老人之法尙有快慰兩時之閒所錄上堂入室問答偈頌諸語煥然成

帙此其徵也師之宗教兼該深譚盡演諸方雖多才妙智亦莫之能勝此固非予之淺識所能讚也

四維禪師語錄

王庭序方破山之在禾也四維師實嗣之其時千里趨風學徒雲集莫不向慕師之名德期一接以爲津梁蓋東塢之門盈履焉師迺避地而居吾梅里梅里處禾之偏墮寓數椽地遠人寂然宗風遐被知師者咸往崇禮之余以奔走衣食不克朝夕左右杖錫屢移積數年以來遂不相值詢師行歷大都在深塢荒村人跡罕至名聞不加之地焉今春予復晤師於鷺湖之圓明示疾經時頭髮幾欲白矣

梅里志卷之六
師兼通宗說法化宣揚以自深韜晦凡臨機拈頌諸條多
削去不錄侍者筆記間或存其數則師之道大矣不可以
不著茲先請出而梓以行世

釋空潤朋雲集選

釋一斑耕煙室詩二卷

尼行剛祇園語錄弟子行涑行宏請

尼本信覺柯語錄侍者元瑛錄

補李淳一簣山房集

戴瓊燕臺草

李士標蒼雪齋詩存

張廷濟填諱

李明巒歎歌集

字友石諸生與余事一

是王方伯庭入敬盟著述甚富失傳

屠明靖易書詩三經注解考定三禮疏解歷代詩刪

杜湄煙草堂集燕臺廢園集

梅里詩輯鄰若詩清潔高秀集已失傳余得之豫章誠快事也

李可願竹坪吟藁

李明嶽嶺南亦史

春風錄明嶽字青來

崇禎時爲廣東巡按御史客順治中復分教廣韶間諸悉其風土物產著此書頗稱閎博爲上官借觀不返遂不傳於世

屠焯周易大義四書大義孝經補注輿地考漁莊詩集一卷

杜致遠東歸紀畧二卷玉東

詩集

徐在演谿集

林埜鈍齋文集一卷

曹山秀散懷錄

褚標致遠堂遺集林埜序

史宣綸苕游草

史翼經吹簾集

褚于巡聽玉樓詩草

繆其器遙山堂集

王侗延芬堂集

徐剛振毅菴詩存

屠達誠齋詩存

李琇道南堂詩存

許肇位省齋集

蔡耀山草堂詩

周笙靈素寶要六治祕書

醫林口譜

周臣宋東京考三緘齋集

李潮偕觀槿集伴鶴吟

穀填諱

鄒慕汲愛白詩草

沈登職官志四十四卷

沈良詒玉樹堂集

沈氏道字雪園遠字

雲奇俱進之兄良詒字孫謀登字則苑皆進之姪並居徐堡邨有詩名

史克恭飲綠齋草

戴鏌六書明辨笑亭詩文集

戴彥鎔雪渠小草

周昶聽雨山房草

張費源學言集

李兆鉉飛翠山房草

王芬蘭餘堂詩草

梅里詩輯芬字來素耕讀南邨不以窮賤介意詩饒雋致

朱昌辰梅花閣殘稿

沈士謬北石山房稿

楊汝霖臨江詩稿

李成大琴次樓集

梅里詩輯或有問琴

次何義也成大曰琴張古狂者志大過中行降此又其次絕非鄉愿倫余竊附獵者磴磴然小人觀其不赴池陽丞真有

所不爲者也

徐古甫葭洲詩草

周雍齋易說十卷洪範原古三卷國風徵經三卷春秋大寶要義一卷大學攻堅四卷中庸蠡測六卷

李菊房芋田詩草

李黃房半榆詩稿

徐林衡填諱

董聖琳芸萊小集

徐懷永蘿封草

張桐柯亭吟草

張簡介石山人集

繆啟武崖畧草堂集

李宗潮二守齋詩鈔

馮樽夢墨軒詩鈔四卷

郭維城雲田詩存

郭維垣耕隱集

陸維垣者山集蕉窗今古八

卷

梅里詩輯者山宣公後裔居
郡城移家梅里能詩工書法

王廷標自怡吟

鄭聯竹礪藁

周潞澄江集雲間集

胡瑛晴玉山房集

馬行素梨花館印譜

崔文鑑蘊真草

許煌清谿草

李燦芸圃詩草

李之械崖溪集

屠攀江右行吟羣梅類詠

周邵菴大學通義

馮與眉易學參說

王垣月川詩草

王剛毛詩譜梅花書屋詩藁 李枝復漁邨草

尤錫九澹軒詩草

徐士龍孟亭詩草

昆明任天相序孟亭

詩空明澹宕細膩勻妍卽有深至之思雄偉之槩皆出以澗澗和平

徐林葵桑者詩集

顧學齋文鈔林葵字爰立士龍弟處士在會孫工五言詩

李炎畊雨草

許煥牧堂集

程安行日華小草

尤雙玉二分竹書屋詩藁

李燧怡柯齋吟草

李宗禮八粵吟

鄭融半暉閣藁

錢忠發節園詩鈔

陳蘊生犁雲野倡

李振鷺剩舫吟草

馮登府填諱

李崇忠椒畦詩草

張璉集虛閣遺藁

任繩祖半椽詩草

李鶴齡四香閣吟稿

周崇敬香谿詩草

李集周易願學編二十卷願學

齋詩文集十六卷

補續毛詩無邪訓孝經玉律

郭鵬杏園詩藁

金蓉聽雨軒藁

一名青岳詩藁

郭鳳衡門錄花果編花鏡摘要萍園六譜燕居錄雪樵吟藁

馮時桂粵游草簇錦集

錢臨薛立齋醫案疏六卷

李雋樸谿詩鈔

朱休承居官隨筆二卷

李宗淮小崆峒詩藁

王兆鳴聽楓詩草

王澄秋練偶吟二卷

王燮香林詩文藁

沈世德居易草廬詩藁

戴春林邴園類英輿圖部四

冊體例仿廣輿記共十五省

皇清州縣攷七冊僅存盛京福建雲南貴州四省極爲詳備

楊謙續經義考

十卷暴書亭詩注木山閣詩橐

李淦春浦詩鈔

陳汝槎觀稼樓詩存

李國華蕙浦詩鈔錢唐陳鴻壽序

貽德填諱

李復齡菊坪遺橐

王肇昌柘堂詩草

王焯兩部鼓吹茲器維則白華堂詩集

周秋光華野剩草

李清華漱六軒詩橐

李三才茹古閣遺橐

李四維樹齋遺橐

金易春草堂詩橐

徐斐然二十四家文鈔今文

偶見敬齋存橐

張大德蘭皋詩草

李澧意香閣詞

李蘭采芝吟橐

馮元曦花橋詩鈔

任兆鯨石民詩橐

尤桐師六詩詞存橐

張藻畱雲堂詩草

孔繼麟珊客詩鈔

仲泰老醫一得

蔣次雲深竹山房詩詞橐

王炳虎秋坪詩鈔

王書田蘋洲詩詞橐

王啟曾南田詩詞橐

楊蟠文樸詩草

李德華搗齋詩詞橐

丁子復見堂詩鈔四卷儀徵阮宮保元序

金蓀香谷詩鈔

鍾鼎月橋吟橐

張之棟心鑑齋橐

張之梁遜敏齋詩橐

周鳴盛桐北偶豪

屠雲堯薇右吟草

張昌衡禮記地理考經義咫聞目耕軒詩春陰閣倚聲

姚駕鰲一粟窩詩存

徐蓮鏡香詩草

梅里詩輯作一枝巢詩鈔

朱墨林輯曝書亭外集山陽侍郎宗昉序

續補寄園詩草

李茂蘭萬緣居吟橐

梅里詩輯作竹素廬吟橐

妹行四

歸鄭氏

黃梅詩草秀

水鄭宮贊虎文序

陳秀水山詩草

李璠倚閣吟橐

汪岱晴巖草

李琬隨月樓詩詞剩橐

吳筠蚤花詩草

釋智旌酒春秋四卷茗箋一卷黃葉老人詩六卷

釋心印觀樹草

釋實煥瓶庵詩草

補續李宗智勤圃遺藁

陳黃鍾古愚叟草

馮三垣四書鼓吹學庸辨

俞汝言大滌山房集

朱昌醇蝴蝶局吟藁

馮光曦勉齋詩草

張鑑蕉白刺藁

馮錫左傳日抄

馮登瀛學庸講義四書考疑

范輦雲讀杜集評歲寒集

馮光熊征細紀畧

何炳帝輿合覽行吟草

沈士模岫雲詩草

沈琪愛吾廬集

朱休弈醉茗齋詩詞集

金璋春草堂集

金炎雪坡詩草

金易得一堂藁

朱休度俟甯居集壺山自吟藁金倫養疴集

李灝荇溪詩存

李登瀛重榴山館詩集

許紹曾錞齋遺藁

李祖甲芸史偶吟

李錫祺三省齋詩草

李文貴一丈紅齋屋詩藁

李觀國聽秋閣小草

沈榮吉壽花樓詩藁

李日華旭齋詩集□□卷紅豆詞一卷武康徐熊飛序

王徵黍峰詩鈔

毛琳南溪詩鈔

李鏗天機妙訣

李啟孫墨莊詩存

李湄奕曠星學經驗

朱聲希山簪山房吟藁

方潮南樓詩鈔

李芝孫紅影山房詩詞藁

胡咸臨僊提詩鈔炙硯詞一卷金爾梅醉六經樓詩鈔

錢本瑜葭灣小草

李伯猷曉塘詩草

丁慶霄補松詩草

丁芸墨農詩草

王勲新安游草

張汝偉蘭巖吟草

朱振圖灑墨齋詩草

戴光榮抱璞齋集

金鑑華燕游草

胡玉成鶴溪草堂集

金家亨石梅詩集

胡玉西鄰詩鈔石門施雋序

戴熊授經堂詩鈔

沈道甯靜觀書屋集

蔣世英金豫章合刻富春游草張昌鴻遠山詩鈔

沈道腴總樹軒詩藁

汪澍古梅溪館詩集

李穀姓氏類纂人海韻編介石詩鈔

李超孫詩氏族考六卷

按此書刻入蔣氏別下齋叢書

拙字齋集十卷

李遇孫尚書隸古說文括蒼金石志芝省齋集

李富孫李氏易解賸義三卷盧文弨序

按此書刻入鮑氏漢知不足齋叢書

魏六朝墓銘纂例四卷新城陳用光序說文辨字正俗八卷

自序易解校異二卷自序七經異文釋口口卷

按春秋三傳異文釋刻入

蔣氏別下齋叢書

前後鶴徵錄二十卷桐鄉馮集梧長白法式善皆

有序曝書亭詞注七卷自序校經廬詩文集十八卷烏程張

鑑序

馮登府石經補考十二卷三家詩異文疏證九卷論語異文攷證十卷象山縣志二十六卷閩中金石志十四卷福建鹽

法志三十卷金石綜例四卷玉臺書史補六卷

案太史自序云樊榭徵君

集古今閨媛精畢翰者香爲玉臺書史分宮闈女仙名媛姬

侍名妓女冠靈異雜錄爲七門不分卷目尚未成書余補纂

八十餘則清芬集八卷

按太史創建清芬祠以祀里中之詩人無後者復編此集凡得六十四家

曝書亭外集八卷

按此書係竹垞先生五世孫墨林出所藏石樓漫與類稿文類諸稿共爲編輯計得

古今體詩五卷詞

一卷文四卷附焉梅里詞輯六卷石經閣文集八卷石經閣

詩略五卷小橋李亭詩錄二卷拜竹詩龕詩存二卷種芸詞

四卷酌史巖撫譚十卷唐宋詞科題名錄一卷梵雅一卷金

屑錄四卷石餘錄四卷

馮魯紅雪香館詩草

李貽德三家詩異文釋詩經名物攷十七史攷異攢春閣集

夢春廬詞周禮牘義左傳集解春秋左氏賈服逸註輯述

馬洵五千卷室詩五卷詞一卷嘉善黃安濤序

李琬醫學水鏡四卷

李瑩清梧詩草

沈愛蓮續梅里詩輯十二卷上元朱緒曾序梅里詞輯八卷
小靈蘭館詩集十二卷文集二卷

李蘋十三聲館詩詞彙

張恒紅薇山館詩草

李壬林海錄十卷四書考巾箱詩葩箋注秋根書屋詩文集
金城且靜坐室詩詞彙

魏稼登是師集

沈暉吉碧雲山房詩略

張光泰綠天吟館詩存

張惠昌金吉祥庵詩彙

李崇基□□印譜

沈愛護卮雲小築印譜味蘭仙館詩彙

蔣理尊義方隨筆六卷

蔣道金石過眼錄四卷

蔣逾自娛室詩存八卷馮桂芬序

余贊綬廷賸草

余質華甫偶吟

徐範紅餘詩草

李檀生香樂意齋詩藁

徐玉如來青閣遺草

鄒采霞蘭芬小草

任夢檀碎錦集

陳受之翫芳樓賸藁

李蕙草妹瑞草聽鵬閣唱和集

釋通復冬開集

釋機林分柿山房偶編

釋學川梅花百咏

碑刻

〔補〕自來志金石者可以考古之法物證其異同得失里創闢於宋至明漸盛絕少吉金卽有藏弄家聚散靡常未能留貽久遠惟貞石所槩自梵宇園亭墓域以及法帖諸刻未經磨泐頗有存者今並蒐羅著錄之

尙義碑明正統時詔旌王昇爲義士立碑於宅旁

義勇武安王神祠碑記明推官王三錫撰嘉靖四十一年立在慈義菴二門內東壁

慈義菴常住田碑記明國子監助教李原中撰李明嶽書丹天啟四年立在慈義菴二門外東壁

林公生祠碑記明巡按福建清軍鹽法監察御史平湖陸清
原撰崇禎十七年立在紫虛道院正殿後西壁

補陸清原嘉邑林侯德政生祠碑記梅溪故淳里人各其
業萬室煙火相保居晏如也自惡少倡黨奸俠輕非良子
弟惑之百什尤效高尙氣力率白晝攫金挺刃入市殺人
以嬉或借交報仇無故掠素封家郡邑不敢問里中人惴
惴側目相誠無逢黨怒或徙居避去不者魚肉矣甲申燕
京淪陷江南大恐黨渠聚其徒儲糗除械將爲亂自梅始
既有日矣時兵使吳公聞風首捕二渠餘黨沸然事在不
測會閩林公令於邑甫下車廉得變實密爲吳公言二渠

惡案舊盈論且不赦諸反側者不究姑安之二渠乃帖然
就獄黨人初聚金謀脫渠謂無亂形不當死或又謂渠無
賴多死士可募置行間公唯唯若將脫之羣黨始不疑既
而又力請之吳公遂以指大符風示獄倅渠竟死黨人聞
之稍散去復爲良子弟相保居如故今而後里人喜可知
也於是謀爲祠饗公復碑之壽公不朽而以余按公鄉知
公素振余爲文余惟二黨渠之以牙角害民久矣苟聞變
不捕捕不卽殺羣不逞一呼三吳動搖狂颶振鐸刀鋸不
用用甲兵夫誰尤公聲色不驚一獄倅治之亂庶遄已二
渠之前事非有揭竿告變株累餘黨及良善者且百室茲

二渠以大逆死死之日公榜諭通衢脅從罔治胥吏等不
得私勒索者一文鎮民無驚攘者一家害馬者去馬息害
苗者鋤苗長一邑之大萬民之衆誅二渠黨散黨人復保
其生出意外黨人之父兄得保子弟黨人之鄉閭得保家
室貨財公靖亂未形功實造我東南若鎮之被澤尤切而
著宜其感以深也二渠曰黃文奎姚二其黨以青布懸腰
曰青腰黨其流又爲團子黨甲申六月二渠死本年八月
鳩工落成祠公焉公諱之蕃號孔碩闢之侯官縣人癸未
進士

古南寺碑銘方伯王庭撰并書康熙二年立
在古南寺正殿

東壁

茶亭緣起始末碑通門撰康熙二年立後附對松詩一章
園看牡丹詩二首在古南寺正殿西壁

梅里永遠釐弊甦困碑王庭撰并書康熙戊申孟冬立石在

慈義菴二門內西壁

額題武原給諫
張公之碑記

聞極禪師塔銘王庭撰在古南寺大悲閣西壁內

補智覺寺常住碑記元延祐元年五月僧文彬狀并田畝四
至今佚

西姚菴碑記明成化初立今佚

修建元真觀碑記明饒州同知李芳撰嘉靖四十三年立今

佚

新建眉菴碑記明平湖陸鰲撰崇禎二年立今佚

石佛菴石佛背明萬歷時先八世祖霽巖公刻有捐造款

古南二大字明密雲題刻石在山門內東壁

古南禪院各檀願認基地收戶辦糧序碑里人鄭公延撰順治九年立在山門內西壁

古南寺常住田碑記王庭撰康熙二十年立在正殿北壁

古南禪院重建方丈碑記檢討朱夔尊撰康熙四十七年立在方丈內

重修伏獅禪院碑記王庭撰康熙二十六年立在山門內

重修元真觀西道院碑記蒼梧道李我郊撰刑部郎中武原張芳澹書康熙五十七年立在正殿外西壁

紫虛觀斗姆閣碑記里人史宣維撰并書雍正十年立在閣下東廊壁

青谿李濟宇墓碑明經金介復撰王籍渠書康熙六十年刻青谿李處士傳碑明經鄭超宗撰王籍渠書康熙六十年刻化度寺邕禪師塔銘唐歐陽詢書石刻在陳蓋之家今藏李氏觀妙齋

李光映曰墨林快事云此歐陽得意之筆未收有舊揭舊揭自屬難得而重刻碑誠亦足寶余妹夫陳蓋之有先世

所遺碑石余借得搨之蓋除去所缺入刻者雖其文已不可讀其存者字不模糊所謂峭拔獨立之意未爲全失也
石刻千字文褚遂良書在朱檢討彝尊家今佚

李光映曰是刻精妙不失其真河南聖教序記枯樹賦皆以瘦勁取姿而千字文筆致另出結構特多跌宕此石在吾鄉朱氏潛采堂不知何時所刻往論石刻者多未之及
神龍本蘭亭序

李光映曰神龍蘭亭序吾邑項氏刻石有項氏印記今歸潛采堂朱氏

石刻千字文趙孟頫書在朱檢討家今佚

朱彝尊曰周興嗣千字文便於小學善書者恒寫一本智永曾書八百本趙吳興亦屢書之延祐三年四月有旨趙子昂寫來千字文一十七卷發祕書監裝背收拾此或十七卷之一也項子京刻石今歸於予

石刻文賦趙孟頫書在朱檢討家今佚

李光映曰趙子昂所書文賦特爲精妙牟巖任士林諸君子皆爲題咏後爲項子京所摹刻以較真跡無復遺恨此刻故董尙書所稱賞也今在朱氏潛采堂

先六世祖妣李母顧孺人墓銘碑編修長洲汪琬撰金陵鄭簠分書乾隆四十八年刻在三李祠堂西壁

先從祖敬堂公像并贊處士石門方薰畫中丞儀徵阮公元
贊學士錢唐梁同書書在三李祠西壁

曝書亭石柱嘉慶二年學使阮公元重建亭子刻和朱檢討
百字令題竹垞圖及落成詞二首前太守長白伊公湯安重
建曝書亭記又重刻汪方伯楫書集杜句楹聯於柱上

李春浦孝廉傳碑侍御桐鄉馮浩撰比部金德輿書嘉慶三
年刻

梅里節孝祠碑記前太守李公賡芸撰錢唐梁同書書嘉慶
十三年立在節孝祠內

節孝祠董事及里人捐數姓氏碑又太守李公節孝祠詩石

刻並在祠內

重修中環橋碑記里人姚駕鼈撰李聘書嘉慶十五年立
在北塊

續補重修古南寺碑記里人李明經富孫撰李徵士穀書道光
十八年立在寺內

重建慶豐橋碑記里人李明經富孫撰海昌蔣廣文光煦書
道光二十二年立在紫虛道院

重修曝書亭碑記里人馮太史登府撰侯官林文忠則徐書
道光三十年刻按此碑馮太史任甯波教授時在署中鐫刻未曾攜歸

勺園八詠圖記碑宜興吳德旋撰桐城都憲姚元之書道光

二十年刻立在園內

創建朱竹垞太史祠堂記郡尊許太守瑤光撰嘉興陸恩澍書又祭田碑及太守詩石同治六年刻並在祠壁

重建先蠶祠碑記嘉興石孝廉中玉撰秀水王明經鼎華書光緒三年刻立在祠內

梅里志卷第十七

里人楊 謙纂 李富孫補輯 余 楸續補

李保宸參校

舊聞

〔補〕志家於卷末每綴以猥瑣之事亦可知一方之風俗里之文物掌故既類見於各門其遺聞軼事有前所未載者復摭輯之以廣見聞云

余往濮川坐舟中遇一老人談明天啟末節孝婦事甚悉惜已忘其姓氏婦家梅谿北于歸未匝月遽寡家貧姑老無親黨可依或勸之改適婦正色曰吾去誰爲養吾姑者日勤紡

績得食先以奉姑里人號曰孝婦時有少年失偶聞其賢欲娶之使人謂曰汝以養姑不嫁盡與姑偕來姑聞以爲善婦曰不可許也彼他姓子肯以母視吾姑耶後五六年姑亦死前少年復以爲言婦迺令人焚其夫與姑之棺鄰意其將去帷也值火方烈婦曰吾事畢矣不死何爲遂赴火而死里又號曰節孝婦噫節孝二者得其一已足以不朽婦且兼之而卒傳其事不傳其人非千古恨事與余故繫之以明使人與代傳庶幾天下後世之人婦知節孝兩全尙有如此婦者

錄

幽

金文者業販鹽初無定居浙中爲東南財賦之藪而海濱斥

鹵鹽賦興焉其治爲尤重征權有使發撤有時給引於商者
曰官鹽捨是悉爲私販賣及買者兩罪之搜緝巡邏舟楫四
出往往緣之以爲姦利小民持帚斤以上者輒傾奪不少假
至豪貴有力及惡少年犯禁突法裝載盈艘則莫敢誰何此
法之弊也所從來久矣文少與仲氏出沒江湖間凡販鹽之
徒遇輒相要奪爲利獨文兄弟所至人無敢撓者旣而冤家
縛仲刺兩目縱之文爲稍戢來家禾之梅里歲丙戌愚民多
相聚爲盜距梅里半舍曰嘉會都者爲其藪穴是歲四月下
旬盜率黨來劫居民狼駭鼠奔恣其焚擄是夕文載鹽五六
艘歸近市望見火光知有變乃部署諸艘退伏支港各密授

以暗記約曰賊歸繞出其前後呼應相接并力擊之賊可殲也乃率四五人往據移寶橋橋爲賊歸要路文持槩餘人彎弓貫矢以俟羣盜舟方滿載首尾銜次相與謳歌笑樂是夜雲霧塞天相對昏黑莫辨而賊舟炬火獨明將至橋所十許丈大呼詰曰來舟何爲者盜錯愕罔對矢發貫賊手賊遽擾亂後舟詰之如前不能對輒注射之餘舟擠擁不敢復前賊數十人乃執炬持械舍舟登岸將奔橋上求敵適伏舟衝賊前至呼詰相應文輒持槩從橋上躍就之左右刺賊前二舟舟覆後賊皇遽亦多赴水以逃文就躍入賊舟橫刺之是時伏舟出賊後者亦衝賊至相與呼應遂合力奮擊聲震四野

賊不支愈益擾亂顛仆落水溺者甚衆其登岸散走竄伏榛莽葦荻間者村人又搜括之皆反手縛送文所生殺縱舍之權文實操之矣文至西塘口南面坐諸人持刀斧繩索立其旁以聽命列羣盜於前驗其衣濕及體裸者多推入水中間或擲火焚之其強武有力爲賊創首及偵探爲賊耳目者疑似間反覆甚苦不能悉辨當之死八九方是時兵燹猶熾民未安集盜賊多有故文以匹夫得生殺之時莫有非者羣盜就戮率恣意以逞或繫樹仰射或斷手足或截腰剖腹血肉淋漓極爲慘酷而觀者方恨賊深不以爲恠也是日有一藝師晨出草露濡裾疑盜也縛而焚之頃其徒來始知故非盜

亂世事多類此其他冤抑者可勝計哉是役也盜約計五百人白溺死者三之一縛而投水者五之一斬斫焚燒死者十之一餘者散走邨堡擊掠以死其得免歸者不過十數人而已然窟穴之間餘孽猶在聲言報復日焉數警文曰賊來吾自當之幸無恐迺陳舟於阨以待盜尋解散里人多其功向所載鹽大室斤率以百計小戶以差減咸五其價償之并所入盜遺金錢衣飾充溢棟宇家大殷富矣初文少壯無室窺酒家女新寡有姿容且能持門戶求焉不獲至是強擁負歸人不敢問也時有曹某者曾與文角訟不相下一日出郡人舟皆失蓋文陰賊之也其縱恣頗如此方其擊賊也當事異

之欲招至麾下文謝曰某一介無他能會賊自潰散因擊之
某何功焉卒不就顧謂其曹曰吾少無室家嘗觸法犯禁不
以爲慮今幸有妻且衣食麤給又安能趨趨俯仰爲人驅役
耶迺大治其室宇華美越常製服用器具務求精麗日與其
曹縱博劇飲妻爲擊鮮割脯佐之未幾晨出近鄉竟爲人磔
死莫知主名後鄉人有疾常憑依焉禱之則愈至今鄉人習
之不絕文雖匹夫之勇然其擊賊摩畫區處膽識具見寡敵
衆逸待勞頗合兵法雖其平生睚眦恣睢然其功吾里也殊
不可掩後歲庚子舍山盜劫里人百餘勒金取贖致見害二
十餘人吾友王沆懼其難假文而在舍山賊或不敢至卽至

亦未必劫掠至此極也以此推文之功固不得以匹夫微賤而概泯之余重有感焉故追書其事云

采山堂集

世有瑰異駭聽之事在通邑大都爭相傳述即可著於後世以論其是非若一鄉一井之中當其舉事不成必羣相訕辱之迫乎事久則又茫然不可問而其人之苦志特行終已湮沒而不顯蓋比比然矣里有周昱者本賈人之子年十七八知涉畧文義讀史記至刺客游俠傳心竊愛之遇負氣敢死之上深相結納里中一素封者子與昱交好素封子以其兄而嫂他適所生女從之共私於家僮事殊洩素封子謀於是曰吾嫂卽出而女固兄產也奈何聽之昱應之曰易耳廼密

治舟楫夜要所善客與俱以事給其嫂女僮婢至舟中盡殺之棄其舟以去天明事聞於官捕者四出終口未得殺人者名是與素封子自詣縣門訴曰殺人者吾兩人也令驚異引入俱白狀方次第上之而獻者曰夫姦必有所發姦必於其時今一舟中男女填雜橫殺多命而欲以姦訊不可乃改擬素封子與出嫂爭家財不平忿殺四人按一家三人律素封子應磔死而是以脅從坐辟獄成奏下所司覆按如其議請決焉是時素封子憤亂不知所爲是又貧弱法司困於成例雖心憐是之死可以破格論減而畏處分及已終猶豫持兩端是所以卒不免也嗚呼吾觀古之劍客俠士多矣或於君

公卿相之間燕饗朝會之次其舉事不必盡當要未有野田
草露襲殺羣婦人以成名者豈非不善用其死乎然是自赴
縣投首上下駁讞十餘次拷掠至備終無乞憐之詞繫臺獄
中數月嘗爲諸囚剖決事如流諸囚皆服由此推是爲長據
上坐指揮囚皆奔走屏息已而次第呼衆囚進問坐罪所由
曉以孝弟忠信曰公等脫得生好爲之囚又皆感悅泣下是
亦泣凡禁卒官典無不重其爲人舉獄中無敢出是右蓋其
度量自必有過人者三司旣議決部檄至省下縣法當縛而
過市是負手言笑遂臨刑無幾微變於容色一市人皆歡息
以爲難而監刑兩官相顧出涕稱之曰勇敢之士是可謂強

執不撓者矣。是爲人短小白皙，斂默如處子。與達人長者居，退然不敢自先。於人在囹圄間，頗爲詩詞，藻著忼慨，摧動有變徵之聲。則又彬彬乎文雅之彥，抑知遇事風激，其矯疾又如彼也。是平生無死法，惟兩目上視，輒掩其黑睛。吾曩聞之術者曰：法當不得其死，然則是之及於慘禍，豈非命也。夫吾悲其志之足以殺身成仁而擇事一不當，徒爲鄉里所僂笑，故表其始末而傳之。是死年二十有八，無子。本字公遜，爰書訛爲拱生云。

尋壑外言 補梅里詩輯 周公遜與潘宏倬爲密友。宏倬恥寡嫂有淫行，公遜勸令殺之。顧皆儒懦，不任操刀。李允師者，拳勇有名，亦少年好事，相友善。遂要與俱，給其嫂歸。寧夜半發舟，截而殺。諸移寶塘橋之南，及諸女、女婢數人，操舟之僕被及不死。獄成，姦事無左證，論殺人罪宏倬磔，公遜斬。然揮刀者實允師也。蓋兩人皆有老親。

無子公遜譚允師曰我有弟在子死李氏將不祀遂獨任之
康熙壬子癸丑年事也予猶及見允師長身骨立目炯炯有
光壽八十餘卒無子初公遜好閱水滸傳奇心竊慕之故陷
于辟血氣未定時觀書不可不慎也案春風錄允師作韞斯
康熙三十年間梅里有甲乙二人相好至厚甲被訟累下獄
乙極力救之爲甲行賄料理得脫旣出甲知所費太多乃乙
漏卮中飽不覺懷恨思欲報之而無由每曰吾死必變毒蛇
嚙殺之未幾甲憤恚成病飲食不進胸腹脹滿按之蠕動盤
旋宛然蛇形臨欲死矣或有謂乙曰汝與甲素厚廼以財交
不明懷恨至死今其腹蛇形已成子其危哉乙頗悔懼託人
請諸甲願悉吐所侵設席陪禮甲初不許乙復登堂候病因
自引責衆人從中勸慰乃請甲扶病而出乙捧卮爲壽且以

侵物所置田產一一還之在坐共皆諧笑以釋之甲遂意解一杯甫畢忽大吐赤蛇自口躍出徑奔乙前衆共殺之甲病若失錢爾載爲其甥吳友昇言之釋氏謂心懷嗔毒者命終之後必爲毒蛇齧此信然矣

徐慶信
徵錄

姚雙橋木工也所製器皿精巧絕倫若置水中水不能入廖氏開封人流寓東南嫁沈大誼大誼不能治生賴妻子以治氏美容儀工挾彈走馬及鞦韆蹴鞠高絕諸技術所至人遮道觀聚如堵牆移家里之南邨值歲旱村人多絕食氏爲給一月糜賴以全者數家以何大誼死曰吾少之所爲長而悔焉所爲浮沈者壻非此不活也今壻死豈復爲辱人賤行

哉遂鬚落著比邱尼服終其身

水僊王祠在北王浜祠下巫女吳黛孃招魂術頗靈一日有神降於陶涇附乩自稱白榆神女能令人見初死者魂魄人叩之向夜令寂居帷中嘿然存想夜半恍惚魂來嗚咽敘語移時廼冉冉而歿於是聞者遠近畢至後數年一夕風雨神女去遺石片於乩閒上有句云暫下寒芒色人間作女巫重運乩杳不復下至今陶涇有白榆神女祠寶石什襲藏焉

居稿

朱西畯病方革有僕顧昌禱之不效遂割股肉以進創未合而其疾已愈

馮楚苞善琵琶性好滑稽令人絕倒里人類能道之

補曹王廟相傳祀曹武惠王彬然彬未嘗至嘉興考吳越時曹信守嘉興慈惠及民子珪爲嘉興都將准人圍城珪與族人師魯拒之有功茲土宜祀曹信父子爲是每年二月十八日爲神誕期游人遠近悉集所出泥孩耍貨競成一市

醉里耳餘

錄

明崇禎末里中亂民立黨倡亂以青布懸腰曰青腰黨其流又爲團子黨爲首二渠曰黃文魁姚二率白晝攫金挺刃入市郡邑不敢問甲申北都淪陷其黨渠聚徒將爲亂時兵使吳公首捕二渠餘黨沸然會邑侯林公之蕃甫下車廉得變

與吳公言姑緩論其死且將二渠付獄若欲脫之者於是黨人或聚金以請或請効力行閒贖其罪公唯唯黨人始不疑遂請之吳公風示獄卒二渠竟死黨人聞之散去里中安靜如故里人感之在紫虛道院立生祠以饗公焉

春風錄

王師初下金陵東南將帥望風遁逃郡邑擁衆拒守者旋卽撲滅潰卒多流於荏苒吳興之含山故盜藪也勢益張嘗三劫吾里白晝無忌崇禎時流賊肆毒中原而吳越烽火不及本朝兵至父老牛酒犒師兵不登岸雞犬晏然里人習見承平風俗奢靡元宵燈火甚盛好演擡閣雜戲金銀爲飾珠璣製衣光采奪目婦女倚樓而觀明璫耀首寶釧推簾鬢影

衣香蕩心悅志盜之招也順治三年宵臨晝劫惟李明輔家戒不敢犯平樓陳氏婦女盡爲男裝登崇垣拒守盜魁傅二戎服立板橋指揮羣盜射殺陳氏一僕陳亦發矢殪其從盜一人幾中傅二不被劫者兩家而已十七年再至焚劫之餘繫人勒贖秀水學生王沆繫歸舍山死焉至第三次而敗鹽梟金大者盲於目善皮鞮卜又能齟風知敵蓋異人也鹽徒奉以爲魁與其弟金二皆善鬪運鎗若飛人莫能近時統販私諸艘自南來至雙板橋疾風過之金大咤曰此盜風也王店其有盜乎脫鞮以卜曰勝之矣於是先遣其徒至里密解散南北兩柵口木排阻盜歸楫而親統數艘之衆登岸掩擊

居民升屋飛瓦石助之盜敗凡擒數百人戮諸塘橋之上投屍於河水爲之赤民不食水族者數月時亦有鄉人曉入市而誤被擒者臨刑呼冤令舉里人識認者辨之卽釋有舉先高祖沖元公者固佃人也公至釋之羣被縛在近者多稱識公公亦唯唯由公得釋者甚衆公實未嘗識也含山之盜流毒數郡盤踞數十年其後爲吾郡同知季公所滅同上天香錄金大所擊之盜乃嘉會都盜庚子含山盜劫梅里金文磔死已久周青土所載甚明又苞羅家乘言李明敷偕里人金某擊含山盜此當爲金文之弟金二梅里詩輯亦以爲金大誤

里有響鈴墳係時妃墓宋南渡人林公德政碑後時爾成者

卽妃之族子孫也錄以待考

許燦德政碑後跋

周昱潘啟明之獄相傳有兩異聞其一允師旣殺多人將偕公遜逸去至移寶塘橋橋爲之立次日就獄其一周潘旣駢死市曹市之居民每暮夜風雨輒聞叩門乞火者問之則曰尋我頭耳尋我肉耳久之始絕

梅里詩輯

崇禎閒僧依蓮住社菴苦行修持未終之前人有江北來者於雲霧中見大船書迎接依蓮四大字揭於桅竿問何處曰鎮江張宅及歸而師已卒故里人疑張京江是其後身

天香錄

周思堯字勝山別號寶山年六十臥疾甚篤夢一僧招之登筏豁然而甦明日遂蔬食布衣集里中耆宿爲蓮社之游卽

今之古南禪院也

周氏家乘

王介人與郡司李嚴方公善王無子嚴贈之妾妾故有夫兵
驅散後訪至王所王哀憐立還妾重妻其夫

今世說

元時名倡素孃善歌暮雨瀟瀟之曲歿後葬於谿上丫髻橋
東南有古墓傳是素孃之墓每年初春異鳥來翔翎羽皆赤
聲甚哀厲春盡乃去別處無見疑其魂化耳王湘詩云丫髻
橋邊黛柳迷歌絃舞管板橋西素孃墓上紅心草紅杏殘時

紅鳥嘯

天香錄

鄭績卿蒙師也家貧好善多惜字功俗多以糖桶置水閣下
爲溺桶桶皆有字鄭每攜鉋創其字焚之又鬻灰麪者率用
字紙封裏鄭買竹紙易歸焚化鬻者感悟俗每永變鄭卒後

有海寧鄭氏僕來問里有鄭績卿乎行事何若詰其故曰主人昨暮見一老翁徑入內室追問爲誰答曰我王店鄭績卿也忽失所在而主母適產子意其爲鄭後身故遣訪之耳春風錄

康熙初慈義菴主僧焚香關帝前見尺許小蛇蟠伏神座驅之不去諦視之雙角嶄然僧知其異時以菽乳果品飼之夏夜每就河飲水尾猶在廟中長葢十餘丈云居數月有估船南邁忽小蛇緣舵牙而上伏於船尾舟人怪而投諸河輒復上如是數次遂載以行至雙板橋天大雷雨急維舟俄見一龍自船尾冉冉上升河水從之湧如山立須臾而止估舶竟

無恙廟中蛇自此不復見矣

同上

賀秀才文星父當明季時爲名幕歲致數千金止一子幼聰穎下筆千言立就弱冠游庠與朱竹垞李尋壑沈藍邨同學父歿以萬金貽之文星無他好惟飲啖異常日食一豬首夜必置大饈一盤酒一罍睡稍覺輒恣意饒嚼以爲常出訪友置豬腸於袖小童持壺從之不數年產盡乃爲小詩書紅箋以索食里有吉慶必延致一席初重之曰賀秀才後厭之號爲餓死鬼爭相擲揄竹垞歸里與諸同學爲會餉文星月三會會必煮一豬首酒一大甕片刻而盡鄉人戲稱爲豬頭會後餒死朱不爲詩云寄語谿南諸幕客子孫但看賀文星

求子

錄

計武臣生而多力業賣米有游僧負鐵韋馱索錢重數百斤
每至店鋪委所負櫃頭滿其欲始去人皆惡之至武臣所予
錢請益武臣舉鐵韋馱棄諸地僧徐曰居士勇哉後三年更
相見竟去武臣懼赴少林學拳法三年乃還僧果復至相角
斃於計其後郡城僧法仗學技於武臣遠出武臣下而吳會
閒言技勇者莫或過焉

春風錄

錢武登枋之孫善技擊且多力撼屋柱屋爲之動搖又能白
平地躍上高屋無聲遇矮垣一躍卽過頃刻百步逐賊常在
賊前賊戒不敢犯鄰右皆藉以安枕

同上

張遇成以拳勇稱年將七旬嘗以雨天著木屐張雨蓋一手執碗貯菜油過市後生與爲戲推有力者一人出不意猝擠之屐不移步油不離碗衆乃服同時有徐子方亦其流亞也

同上

先輩王方伯庭居鄉里每出徒行凡所親知及舊同里閭之人雖列市肆販賣或居窮巷掘門之地過之必恭趨長揖詢問起居景況溫顏欸語人之對之者忘乎其爲曾表外臺者也先人云富貴歸故鄉者當以是爲法

雪堂
瑣錄

康熙丁未朱太史池上紅蓮作並頭花太史賦詞紀異先君武闡成進士乾隆癸酉池南梧桐房葉相綴攢簇成巨球如

五斗米囊鄉試則太史元孫城固令休承金編修蓉李進士

集並中魁選皆科名之徵也

春風錄

里有花木十景曰湧蓮菴雙桂伏獅院金錢松南池荷花北

樹邨紅梅凝香亭牡丹

浣花居

寶田莊洋桃王氏園紅梨

梅花書屋

馮氏園雙鶴暴書亭羅浮蝶吳氏圃孔雀今多荒廢不可問

矣同上

梅谿東北郊有天香菴春日梅花盛放其廳事之西一株傳

是宋本游人雜遯竹裏厨煙則孝子王楚仁奉母居于此釀

冬酒具嘉蔬供俊游小飲取貲以奉甘旨余舌耕養親日每

至花時偕同人觴詠其閒因與孝子欵洽雖非詩書中人而

真誠純篤氣和形和盎然孝德所流露也

雪堂瑣錄

別谿禪院繞屋四圍皆水其西南水面溶漾魚苗菱角漁人納租種蒔余兄弟少日讀書谿北月夕煙晨相與沿洄于此至樂也有拙厓和尚與方伯王公結支許之契文酒往還最稱莫逆拙公既歿遺龕在殯厰後孫徒犯法院舍爲墟廢址歸某翁翁出龕竟燒之自是翁之家常患拙公爲祟雖盛作佛事度之不能祛也

同上

里諺云先有史李朱後有杜王吳蓋六姓爲里中著姓借土語魚名以爲口號也又云前張後李東鄭西毛

毛士英字羽皇秀水庠生

亦以著姓爲諺語

天香錄已上俱補

續補

徐白榆精篆刻博極羣書燒燭檢編往往達旦至知己宴聚蛾眉侑觴豪興躍發履舄雜沓客不任飲者恆代飲以爲樂七日偶曝盛衣盜疑其富夜持械入肱一篋重不任負以爲金也白榆裸身出與之爭盜怫甚遂斧白榆幾死及啟篋則皆花乳石也撫掌大笑而去

李鏡白
榆傳畧

郭原道宅心仁厚褚某貸其金販吉貝花入泐爲盜所刼還請以異日償曰盜刼子我責子償是我亦盜矣不許曹某貸金賣藥藉以養母子母皆不納或勸收其藥肆曰恐傷孝子心吾弗爲也

梅里
詩輯

繆永謀甲乙之間郡城兵亂浮尸蔽河永謀設法瘞之父喪

從京師奔歸欲自殞者再母止之稍節哀後客淮夢父告曰
母病亟矣盍適往乎驚起戴星而返母果病及卒扶柩躬負
土盡哀盡禮其孝義如此

天香錄

周林於嘗學鎗法於王將軍定遠又學白打於僧法仗雖弱
不勝衣而跳躍如飛數十勇夫當之手未交輒爲所跌其置
身常在敵數十步外也生平仗氣好奇每讀銅黨傳輒拍案
而起年八十神明不衰猶能燈下作小楷書

馮登府清芬集

周青士爲人嶽崢嶸慷慨讀書米市不顧俗眼驚有采石估寄
米八百斛而估獨往硤石中道溺死青士經理其喪呼其子
傾困還之又有戴丙鬻女於巨室及笄將以儻配青士贖歸

爲之擇壻歲歉散米以食餓者坐是家並促其慕義多類此
上同

李符與斯年武會時稱浙西三李少好遊客洱海逢碧雞山
道士謂前生是廬山種菜僧虞山楊晉爲作行腳圖龔方伯
佳育趙比部吉士曹侍郎溶皆折節與交嘗偕竹垞青士山
子天自爲詩課境皆貧符兄弟一錫偏提竹垞一布袍每會
必付質庫以供盤飧兩家內梱各紡績以出之遇後會復然
其落拓好事如此嘗集郡城水樓酒盡燭滅暗坐各許誦所
讀書俱應聲如流曹秋岳讌歸經過聞之大異翼日遂與訂

交

上同

香江詩話伯兄奉墀曰錢臨自號北山處士善談辨美鬚髯
因寔足棄舉子業精盧跗術專以濟人爲亟性剛直不阿處
事果斷吾里向有惡賊號披頭髮者咸受其害北山密聞於
官逮治之而里中得安

續梅里
詩輯

馮崑源爲總憲光熊之祖多義行海鹽私販拒捕胥吏漁獵
滋蔓於梅里崑源力爲救護有司清丈田畝直陳奸徒之擾
而事以理鹽邑按月徵稅苦口勸諍而弊以革

同上

自粵匪陷金陵後漸地災異叠見一日予自里赴杭甫登舟
舟忽簸蕩如巨浪中纜爲之絕同泊數十舟皆如此次日過
長安臨平鎮問之亦如此或曰此水嘯也史罕見之

余飛哀
感錄

梅里志卷第十八

里人楊

謙纂

李甯孫補輯

余

林續補

李保宸參校

詩話

〔補〕吾里風雅之盛冠於郡邑人擅雕龍詩編搜玉一時吟社騷壇稱爲韻事傳爲佳話者今並輯之以附於末焉
余友許子古力績學砥行貞苦節三十年其歿也有手植海棠一本條焉憔悴無復敷榮至壬戌季春爛然重發方穀不勝手澤之感請友人賦詩以紀其孝思爲何如也方穀伯兄禮我繼其親而逝撫兄子如已出今皆成立矣余以此花盛

袁當與田家荆樹並稱云

采山堂集

李都運少以詩文受知於王元美元美集中載有贈詩既而
上交郭美命從游葉進卿東林諸君子目以俊及筮仕維
特冬惠續立碑頌德者如林益循吏也吾鄉咸尚寶元佐
揆構李往哲傳語焉勿詳近頃明府玉筭續之鹽使之治
績闕而不書慮舊聞之放失附識于此

靜志居詩話

崇禎辛巳降道人乩書探梅詩云輕舟十里五里殘雪一山
半山我意探梅獨往誰教放鶴先還題畢人莫會意王翊曰
道人起句謂舟輕則速十里之行等五里雪霽而殘一山所
積止半山爾乩書王子可與言詩上

毛西河贈一孝廉詩云錦囊多好句一半是唐音孝廉遜謝

西河歎曰可惜那一半爲竹垞所誤

同上

竹垞早年游京師卽名重公卿間後以布衣召試入翰林

與修明史其爲詩戛戛乎陳言務去獨闢蠶叢而才氣橫溢

光怪陸離觀者爲之目眩秀水新城幾如晉楚迭主齊盟矣

六家詩鈔

周青士家梅里以賣米爲業自晨至午居肆過午輒下簾閉肆登小樓讀書喜爲詩與朱彝尊李良年鍾淵映比鄰相善一日游嘉善館柯氏園月夜吟詩意得遂至達旦適郡丞季某以事至署與園鄰聞周吟聲彷徨不能寐詰朝詢知其故

逮至杖而逐之予曰袁彥伯使不遇謝鎮西幾不免虎口經帶

堂詩話 按漁洋詩話云將加戮辱有士大夫援之廼得免與此稍異

竹垞先生齋夜飲各舉古人男女成對者爲酒令得太白小

青无咎莫愁彩鸞赤鳳無雙第五觸龍飛燕漂母灌夫武子

文君琴玉串珠東野西施紅橋白石等字前輩文字之飲韻

致若是查浦 輯聞

朱子羹尊詩才雋逸文尤跌宕可觀性好飲酒嘗與高念祖

入都每日暮泊舟輒失朱所在及往求之則已闌入酒肆中

醉臥鑪下矣汪氏 說鈴

李十九良年善爲古文間作排儷體脫稟輒棄去余問其故

答曰吾家伯季並擅斯長阿京

李字

未欲爭勝耳後見渠兄

斯年繩遠文如春湖士女圖及查韜荒江漢詩集序再三吟

諷深歎十九言不妄

同上

方爾止事多可笑一日與李武曾書故作增李見曰先生誤

矣某字武曾非增也方曰吾正恐人誤讀作武層耳

池北偶談

王言遠廉介不苟所至以清惠稱罷歸足跡不入城市常衣

布袍行田間人不知其二品大僚也年逾八十廼卒五言詩

清真古談有陶韋之風與石湖邢昉相上下足稱逸品

同上

或問於余曰阮翁其大家乎曰然孰匹之余曰其朱竹垞乎

王才美於朱而學足以濟之朱學博於王而才足以舉之是

真敵國矣他人高自位置強顏耳曰然則兩先生殆無可議乎余曰朱貪多王愛好

談龍錄

李教諭明慤素擅文名入閩久之國初署古田教諭有樂

志堂集其九日一詩爲曹侍郎所稱

樵李詩繫

王翹少失學論孟不卒讀識字而已弱冠偶覽琵琶傳奇欣然會意曰此無難吾亦能之卽擗案唔唔學填詞竟合調自後學不少懈廼工詞曲又進工詩家故貧自攻詩貧益甚居室如斗大一長鬚候門婢汲漿婦執爨給饔飧王抱膝苦吟落落不問家人產好奇計多大言遇知己岸幘抵掌談論不

休

今世說

王言遠少貧舉孝廉十四年貧日甚杜門局守無襍營分好
日事詩古文笑歎歌詠畱連不去中己丑進士累官參政其
居官強項不屈任意爲其難八年不通京師一字所遷皆極
邊卽單車就道不惕利害家計蕭條幾不能朝夕亦不問也

同上

補王介人初擅詞曲後研聲詩志取多師不遺僞體其論詩
於合處見離於離處求合而知者寥寥惟平湖陸職方嗣端
心賞之嘗訪君於長水值君洗硯河頭挾之登舟家人不知
也徧游茗雪乃返旣而入越謁陳臥子爲序其詩詞遭亂所
居不戒於火惟餘小屋二間一供婦孺一吟詠其中有故人

官府寧者遠之不見五言如江湖長至日風雪上方山驛路
通秦漢峯陰入晉多桃柳千樹雨瘴霧百蠻天日氣淫秋雨
嵐光變少暝楓林依水盡雲物近秋多一二故人在飄零佳
訊稀江山雄白下人物近黃初山雪行人少江梅臘月多文
章身後事邱隴夢中山白社違人日元關閉子雲江山開一
望吳越在孤舟七言如夜月旌旗五馬渡秋風草木八公山
周道秋風行黍稷漢宮春雨長蒲桃西蜀諭通司馬檄中山
謗滿樂羊書秦塞忽驚三月火漢家空待貳師功三月晴風
高戰鼓九江春水下樓船鑄詔高華此方虛谷所云律髓是

也

靜志居
詩話

華亭王鹿柴先生廷宰乙酉之春過余外舅馮翁小飲余陪
末坐問學詩何從曰試作對句酒至先生舉古人名俾屬對
偶記憶顧野王對沈田子鄭虎臣對沈麟士蔡興宗對崔慰
祖蕭子雲對任伯雨魏知古對顏相時吉中孚對溫大有楊
完者對晁補之杜審言對蕭思話貢師泰對齊履謙任蠻奴
對張惡子金安上對鄭居中劉辰翁對逢丑父韓擇木對李
栖筠蔡有鄰對徐無黨王巖叟對阮田夫李思齊對石作蜀
柳三變對張九成鄭櫻桃對郭芍藥王僧綽對馬仙琕祕彭
祖對庾黔婁劉方平對徐圓朗劉仁本對范道根先生見余
應對之不窮也語馮翁曰此子將來必以詩名世其取材博

矣
同上

沈山子朱竹垞周簪谷同里詩篇倡和名亦相埒一日錢唐
陸麗京遇之於潛采堂甫問姓名卽大聲曰得非梅花高館
落春草斷垣生之沈山子乎遂訂交劇飲而別

柳亭詩話

朱近修古今詩不事矜鍊而詞采斐然五言如十暑杜陵葛
一寒范叔袍秋懸游子夢日落異鄉山野火燒山近寒星照
水明山容初過雨水氣忽生秋淚以傷時盡愁須醉日多僧
厨三度臘客夢一歸鄉翦竹開深徑因谿架小橋青山寒照
日黃葉晚從風遠水通溝濁濃陰接樹平妻子他鄉淚文章
浩劫灰七言如牧馬官同張萬歲進賢賞並鄂千秋關河秋

色三千里風雨冬青十二陵代北重關飛白雁西京古鎮出
黃花笛裏羌歌憐折柳馬頭關樹但生榆長江恨失韓擒虎
智井春埋張麗華三楚烽塵新幕府六朝煙雨舊樓臺瀑布
秋風搖練影石梁新雨糝藤花皆音響清鏘猶是歷下四溟

敵手

陸嘉淑
詩話

木中曹倦圃先生有春草七律四章和者徧三吳耕客先生
首章云錦似織時花半露碧相交處柳三眠三章云分開離
別東西路送盡天涯少長人曹先生定爲壓卷

鶴徵
錄

秀水朱十負異才吳梅邨游樵李見其詩評曰若遇賀監定
有謫仙人之日嘗效俞羨長古意新聲體賦閒情詩三十首

錢唐陸麗京誦之傾倒作望遠曲思勝之不敵也一序尤爲

計孝廉甫草擊節

黑蝶齋小牘

范遵甫潛心性命之學不闢佛氏偶然作云青青江岸山活
活江流水夫豈不高深有象終必毀又云我嘗夜分坐仰天
見北斗風吹百草頭月出萬山口牧雲和尚愛之欲付以巾
拂不受其詩不費鍛鍊而出誦之妍雅和平

簪谷詩話

范遵甫詩云東去大海一千里赤腳踏著珊瑚枝足稱警句

錢改齋

詩話

世人於簪谷先生詩服其敏捷而或疑雕飾未至不知沈浸
卷軸旣擷其菁英遺其糟粕故能縱筆所如蕭閒高朗出

於右丞襄陽太白而窮愁感觸一似浣花老人然則世疑其未至者正先生之詩之所爲大工也

陸陸堂詩話

論詩於本朝必推南朱北王爲大家無異詞竹翁詩感人最深如歸自山陰云妻兒空待米風雨獨還家輓龔尙書云寄聲逢掖賤休作帝京游每一風誦淒然欲泣至若謁張曲江祠云芳塵羽扇冷春燕玉堂空固陵懷古云天寒竹箭參差見日暮烏鷺下上飛用事之妙何減少陵橘柚龍蛇之句乎歸田以後五七言古詩如萬斛泉源隨地湧出神奇變化莫可端倪李稔鄉詩暮年詩筆壓漁洋殆謂是與居節廉橋時值歲凶比鄰王氏有老僕訝其日午無炊煙而書聲琅

琅不輟因叩門餽以荳粥喜甚急以奉安度先生而忍飢讀

書自若也里人至今樂道之

梅里詩輯

秋錦徵君詩得天地之清氣化唐宋之吟哇獨往獨來於名
士如林之日昔人謂胸中有萬卷書筆下無一點塵以稱徵
君洵可無愧同時爲宋詩者商邱宋漫堂長洲汪鈍翁皆是
名家未足並駕也鈍翁及沛縣閻孝廉於學問文章心目閱
豈有千古而皆心折徵君頴人蘇懋旂至謂黻阮亭愚山蒲
菴之長於一人讀其集比之忽遇天風吹入瑤宮閬苑傾倒
一至於此是時登鴻博之選者五十人乃數十年來或不能
舉其姓字而負才不遇如秋錦蓮洋其名益著則亦未爲不

幸也

同上

吳孝章給諫源起從第五言律頗清穩晚景顛連頽然自放
矣亦能畫自題盲子相打圖云寫得紛爭絕可嗤據何所見
怒隨之老拳毒手交加處孰與分清某在斯嘗集杜詩成帙

同上

陳愚亭湛精篆刻尤喜製硯爲詩日必數篇嘗與娛村養恬
同擬樂府不三月各成三百首豆萁成於七步亦偶然耳同上
賀文學戍駒文星有雋才詩文援筆立就不費繩削性落拓
不羈惟以麴蘖爲性命時在醉鄉衣敝履穿游行市上經酒
壚輒連飲數十觥或相連數家必徧飲人未嘗見其醒亦未

嘗見其醉也曾有酒家好事者酒不取值請以一詩易一盞
頃刻數十章酣嬉而去人問能飲幾何口占答曰愛寒愛熱
愛溫磨不論甜酸苦辣渾最喜飯前并飯後何妨侵早到黃
昏其耽飲無節如此嘗有梅花詩三百首

春風錄

張滄谷淳曉村濠兄弟所居采奇書屋文士恒集李奕菴詩
亦知徑僻能畱客每到春殘共舉杯蔡懶人詩藥圃時開三
五種畫叉長挂百餘錢李人

詩重綠乍添苔徑曲落紅半

在石闌西釋樓林詩綠窗坐久禽聲換香徑吟闌壑日斜

題采奇作也

梅里詩輯

朱別駕珣叔與沈菜畦王上濤徐柘南金心齋朱芋陂諸先

生結暴書亭詩社有橋李牡丹釣竿荷葉漁婦青衫賣白蝦
諸題朱太史爲之評次刻有長箋一時傳誦乾隆丁未先從
祖追和太史橋李元韻詩時金比部鄂巖楊文學旋吉暨余
兄弟輩皆分韻賦之

吳半鄉源遠嘗取里諺爲題作詩百首其夏雨北風生無雨
也風涼詩曰北風小雨滿池塘茉莉花拋枕席香笑剔銀鐙
耶睡否今宵無雨也風涼風流旖旎如十七八女郎纔脫香
吻鬢雲鐙影光景銷魂

春風錄

五月五日翦綵製小兒騎艾虎婦豎取以綴首謂之健人舊
俗也里人某形狀矮小適將入都朱求侯戲作送行詩云三

尺低驢三尺身短衣遙染 帝京塵到時正值端陽節何處

飛來大健人聞者絕倒

同上

梅里文酒之會有梅里三子敬盟二十五人景山八子存誠

社六人省齋七子九老會後九老會又有不能舉其人者曰

會昌社梅里社噓寒社存誠後社後景山八子

許癡梅里詞註

昔朱檢討自嶺南攜歸羅浮蝴蝶與里中人爲蝴蝶詩會後

羅浮蝴蝶忽見於暴書亭南深樹中稼翁首步檢討近體四

首原韻爲倡和者亦數千人爲後蝴蝶詩會

拙堂文存

梅里舊有八景曰南寺曉

一作晚

鐘鷗蕩漁鐙長水風帆柳暗

聞鶯板橋夜

一作曉

市桃源春漲梅谿殘雪萃橋晚眺

一作南垞修竹

里人多有詩詠之

長水東爲大彭都乾隆間楊文學謙王孝廉焯沈上合世德輩俱住市西結詩社稱彭西倡和薛處士廷文輯成一編共十一人

梅里王少凱廣文爲詩椎輪削鐻穴險摩空大雅之遺目空時輩我鄉自竹垞檢討以來詩人輩出然近今學檢討詩者不辨其根本節目之所在往往溺志於風懷閎情等作稗販字句爭妍取多其能自建旗鼓獨當一面如許晦堂王少凱兩先生真豪傑之士沛然昌其所欲言蓋蘄至乎檢討之詩之大而不務爲其纖者耳

南野堂筆記

里中言詩有以一二句得名者如沈山子以春草斷垣生句
稱沈斷垣薛處士廷文年四十後始爲詩有雪後春歸樹句
人多賞之遂稱薛春樹王秀才書田幼聰穎髫歲有春草渡
頭生人因稱之爲王渡頭

梅里李氏多才 國初言詩者遠近推秋錦徵君兄弟爲三

李後稱嶧山嵯院兄弟爲小三李儀徵阮雲臺師定香亭筆
談又稱引樹孝廉兄弟爲三李亦見一家相繼之盛

張秋水
雜識

已上
俱補

續補太僕卿色公聞管谷先生名具書帑屬有司延請敦促就
道先生入都時身魁梧不善騎每跌必成一詩當時都中傳

詩七十幾跌詩爲絕調

藝苑叢譚

袁韞玉作西樓記夜持百金就正於馮猶龍馮曰尚少一齣
今已爲增入矣乃錯夢也

漁磯漫鈔

李秋錦先生灌園圖題者名作如林周櫟園一首尤得贈言之體云荷鋤忘旦暮得慰北堂萱人在一方水天留數畝園
讀書知孝貴力食美農尊閉戶高吟外垂垂雨露恩

郭麐靈芬館詩話

戴錡兄弟彥鎔鎡公錄公鋤皆有文名稱戴氏五子

天香錄

朱求俟出語必靈一塵不染少壯時敦尚氣節睥睨一世故有狂朱之目遷歸濤溪放情詩酒不入城市高潔殆不可及

在吾里時與先王父省齋先生交最善爲省齋七子之一七
子者范懋官民彰朱昆田西畯浦越喬副工蔡耀遠士李我
郊約山并先生與先王父也

梅里詩輯

李觀謹徵士良年子與竹垞太史子笛漁並能承其家學兩
先生又與史先震錢是式張費源徐耀然李陳常成大爲漁
社八子並有文名

同上

張景弼孝廉昌衢子七齡解吟詠有夕陽紅一抹芳草碧千
堆及風定疎林人不寐開窗月落硯池中句殆有夙根先昌
衢一月卒僅九歲

馮登府清芬集

李司訓生佳忠節之後名列景山八子有神童之目與郭大

尹哀采齊名人稱李郭

同上

李迂仙岱詩學放翁善言愁苦尤工五言如老豈能忘酒貧
無可賣書家貧無好話米賤亦荒年又如衣薄不妨梅共令
園空每念鶴同飢真貧士詩也

同上

史雷門先震盛年驅馳四方不遂其志歸隱萃橋水榭繪有
乞食圖亦可謂貧而樂者矣諸太史錦曰雷門嘗於此上得
詩一絕云梅花溪上舊書生怕向人前說姓名杯酒有誰澆
寸土年年風雨過清明悽惋可感

同上

徐範字蹇媛有足疾終身不字詩爲沈夫人叙蘭所刻已佚
厲徵君鶚曾錄入玉臺書史工書程明府璋所刻玉臺名翰

相傳皆出臨摹真巾幘中書聖也馮太史登府云蹇媛工書
畫兼長篆刻弟真木得其指授遂傳名嘗集衛夫人長孫后
吳彩鸞宋惠齋張妙淨薛濤朱淑真管道昇八家真跡裝一
冊題為香閨秀翰亦墨林韻事也

沈愛蓮續
梅里詩輯

李茂才德華徵士良年元孫早歲稱詩嘗有花間落峯影句

王碧山孝廉以為五字可傳

同上

李瑤圃女史抱疴日久其病革時有句云卅載齏鹽甘淡泊

一天風雪了因緣讀之令人悽絕

同上

張月如恒能詩年僅二十餘而卒有一天星北拱萬里雁南

翔句頗不類短折人語

余弼哀
感錄

名士不必學亦不能學聞李茂才蘋家赤貧幾於冬日而夏
衣一日天雪友人貽之短褐擁坐斗室中面臨一廢園忽思
園中不可無石笋遂起出門而又不知所之憶曝書亭有其
物因造米氏乞焉朱亦貧卽解褐易之負笋歸位置畢相對
大笑旣而寒戰至不能安坐云蘋字小舫工詩尤長倚聲有

白海棠詞爲時膾炙

同上

吳曉芬女史筠適李孝廉貽德工詩遺稿與孝廉合刻行世
小詩瀏亮長歌雄健卓然成家惜年僅二十餘卒其咏蘆花
云應羨楊花受濃福飄零短夢尚春風乃詩識也

余林白嶽庵詩話

前人作對有以同音巧合者如朱竹垞徐勝力同徵友竹垞

居梅里勝力居禾城勝力嘗邀竹垞飲竹垞或移樽勝力家
飲二公嘗以名相戲今日朱移樽明日徐家筵之謔均與名
同音亦絕對也

同上

沈子清文治工詩嗜飲得錢常供軟飽酒酣耳熱與人議論
不合目輒上視旋顧左右望曰無人無人氣勃勃頤頰間拍
案覆盃米汁淋漓雖尊客在坐亦不顧也故往往不歡而散
其從叔琴伯贈以句云狂醉欲空世奇窮不受憐殆卽伏波
愛之重之不願效之之意歟

同上

曝書翁藏書八萬卷每鈐印於卷之首頁一面刻朱文戴笠
小像一面鐫白文十二字曰購此書頗不易願子孫勿輕棄

殆卽鐘鼎文子孫永寶意

白嶽堂印貌

續刻梅里志跋

憶道光癸未間

先君子續修梅里志時

同壽

生才襁褓稍

長先君子指而示曰此係同里楊未孩先生手輯稿本尚

在參訂而先生遽歸道山是以未甚詳備嗣取其稿重爲纂

述冗者刪之闕者補之兩閱寒暑而告成授之剞劂凡居是

里者俾各知文獻有徵

同壽

謹志之弗敢忘竊思

先君子

著作極夥書板盡藏懷葭老屋咸豐庚申粵匪竄里蹂躪叢

甲不無殘缺克復後爲之悉心校對幸里志板僅少十之二

三欲謀續刻而有志未逮歲癸酉嘗命

兒子承模

往謁邑尊

陳訐堂司馬以是書呈閱司馬極口稱善許爲籌款補鑄未

幾司馬移任仁和遂不果今夏

兒子

復由禾中謁見秦讓卿

明府於郡志局亦以此大有系於一鎮風俗擬卽轉請郡尊
許雪門觀察給金重刻旋知已有里人稟準撥資於是私心
竊慰

同壽

方以未能盡刻先著爲憾而此志頓復舊觀可見

一書之廢舉固有數存乎其間茲屈刻成有日不可謂之非
幸也光緒三年歲在強圉赤奮若陽月後學李同壽蒼雨甫
拜手